

聖

壬

春秋左傳杜注卷第二十五

華亭姚培謙學

昭公

經二十有三年春王正月叔孫婁如晉謝取邾師○癸丑

叔鞅卒無傳○叔弓之子輒之弟也子詣嗣為大夫○晉人執我行人叔孫婁

稱行人譏晉執使人○晉人圍郊討子朝也郊周邑圍郊在叔鞅卒前經書後從赴○夏六月蔡

侯東國卒于楚無傳未同盟而赴以名○秋七月莒子庚與來奔

○戊辰吳敗頓胡沈蔡陳許之師于雞父不書楚楚不戰也雞父楚

地安豐縣南有雞備亭○今江南鳳陽府壽州西南六十里有安豐故城雞備亭又在其城西南胡子髡沈子逞滅

國雖存君獲陳夏齧大夫死生通曰獲天王居于狄泉敬王辟子

朝也狄泉今洛陽城內犬倉西南池水也時在城外○至定元年城成周乃遠之城內亦曰翟泉今堙○尹氏立王子

朝尹氏周世卿也書尹氏立子朝明非周人所欲立○八月乙未地震○冬公如晉

至河有疾乃復

傳二十三年春王正月壬寅朔二師圍郊二師王師晉師也王師不

書不告癸卯郊鄆潰河南鞏縣西南有地名鄆中郊鄆二邑皆子朝所得○括地志云鄆城在鞏縣西南五十八里丁

未晉師在平陰王師在澤邑平陰今河南陰縣○故城在今河南府孟津東一里王使

告開子朝敗故庚戌還晉師

○邾人城翼翼邾邑還將自離姑離姑邾邑從離姑則道徑魯之武城○徑音經○離姑在今山

東兗州府費縣故武城之南公孫鉏曰魯將御我鉏邾大夫欲自武城還循

山而南至武城而還依山南行不欲過武城徐鉏邱弱茅地三子邾大夫曰道下

遇雨將不出是不歸也謂此山道下溼遂自離姑遂過武城

塞其前以兵塞其前道○孔疏此所塞之處必有隘道當是已過武城之邑未出武城之竟故得塞其前斷其後而攻取之斷

其後之木而弗殊○斷丁管反殊絕也邾師過之乃推而蹶之

○蹶音厥仆也及邾師既過斷木之地乃推斷木而蹶仆於地以絕邾師走路遂取邾師獲鉏弱地取邾師不

書非公命邾人愬于晉晉人來討叔孫婍如晉晉人執之

書曰晉人執我行人叔孫婍言使人也嫌內外異故重發傳○使去聲

晉人使與邾大夫坐坐訟曲直叔孫曰列國之卿當小國

之君固周制也。在禮卿得會伯子男。故曰當小國之君。邾又夷也。邾雜有東夷之風。寡

君之命介子服回在。子服回魯大夫。為叔孫之介副。請使當之。不敢廢

周制故也。乃不果坐。韓宣子使邾人聚其眾。將以

叔孫與之。與邾使執之。叔孫聞之。去眾與兵而朝。示欲以身死。士

彌牟謂韓宣子。彌牟士景伯。曰。子弗良圖。而以叔孫與其

讎。叔孫必死之。魯亡叔孫必亡邾。邾君亡國。將焉

歸。時邾君在晉。若亡國無所歸。將益晉憂。子雖悔之。何及。所謂盟主。討違

命也。若皆相執。焉用盟主。聽邾眾取叔孫。是為諸侯皆得輒相執。乃弗與。

使各居一館。分別叔孫子服回。欲各聽其辭。恐其相教示也。士伯聽其辭。而愬諸

宣子。乃皆執之。二子辭不屈。故士伯愬而執之。孔疏魯人實取邾師。二子辭不屈者。蓋以朝聘征伐過他國。必假道乃

行。邾不假道。是邾亦合責也。士伯御叔孫從者四人。過邾館。以如吏

難從者之病。將館子於都。都別都謂箕也。叔孫旦而立期焉。

立待命也。從旦至旦為期。期居其反。乃館諸箕。舍子服昭伯於他邑。別囚范

獻子求貨於叔孫。使請冠焉。以求冠為辭。取其冠法。而與

之兩冠。曰。盡矣。既送作冠模法。又進二冠以與之。偽若不解其意。為叔孫故。申豐以

貨如晉。欲行貨以免叔孫。叔孫曰。見我。吾告女所行貨。見而

不出。留申豐不使得出。不欲以貨免。吏人之與叔孫居於箕者。請其吠

吠。不吠。則殺之。不食。則殺之。不飲。則殺之。不居。則殺之。不

狗弗與及將歸殺而與之食之示不愛叔孫所館者雖

一日必葺其牆屋葺補治也去之如始至不以當去而有所毀壞

○夏四月乙酉單子取訾劉子取牆人直人三邑屬子朝者

訾在河南鞏縣西南○訾子斯反○有西訾東訾皆在河南府鞏縣六月壬午王子朝入于尹

自京入尹氏之邑癸未尹圉誘劉佗殺之尹圉尹文公也劉佗劉蚘族敬王黨○佗徒河反丙

戌單子從阪道劉子從尹道伐尹單子先至而敗

劉子還單子敗故己丑召伯奭南宮極以成周人戍尹二子周卿

士子朝黨奭召莊公庚寅單子劉子樊齊以王如劉辟子朝出居劉子邑○樊齊即

樊頃子甲午王子朝入于王城次于左巷近東城秋七月戊

申鄆羅納諸莊宮鄆羅周大夫鄆肸之子尹辛敗劉師于唐尹辛尹氏族唐

周地○後漢志洛陽有唐聚在今河南府洛陽縣東丙辰又敗諸鄆甲子尹辛取西

闡西闡周地丙寅攻蒯蒯潰河南縣西南蒯鄉是也於是敬王居狄泉尹氏立子朝○晉地道記曰河南縣西南有蒯

亭今在洛陽縣西南

○莒子庚輿虐而好劍苟鑄劍必試諸人國人患

之又將叛齊烏存帥國人以逐之烏存莒大夫庚輿將出

聞烏存執及而立於道左懼將止死及長丈二而無刃苑羊

牧之曰君過之牧之亦莒大夫烏存以力聞可矣何必以弑

君成名遂來奔齊人納郊公郊公著邱公之子十四年奔齊

○吳人伐州來。楚遠越帥師令尹以疾從戎及諸侯之

師。奔命救州來。吳人禦諸鍾離。子瑕卒。楚師燔子瑕即令

於楚者眾。而皆小國也。畏楚而不獲已。是以來。吾

聞之曰。作事威克其愛。雖小必濟。克勝也。軍事尚威。胡沈之

君幼而狂。狂無常。陳大夫鬻壯而頑。頓與許蔡疾楚政。

楚令尹死。其師燔帥賤多寵。政令不壹。帥賤遠越非正。卿也。軍多寵人。

政令不壹於越。七國同役而不同心。七國楚頓胡。沈蔡陳許。帥賤而不能整。

無大威命。楚可敗也。若分師先以犯胡沈與陳。必

先奔。三國敗。諸侯之師。乃搖心矣。諸侯乖亂。楚必

大奔。請先者去。備薄威。示之以不整。以誘之。後者敦陳整旅。敦厚也。

陳去。吳子從之。戊辰晦。戰于雞父。七月二十九日。違兵忌。晦戰擊楚所不意。吳子

以罪人三千。先犯胡沈與陳。囚徒不習戰。以示不整。三國爭之。吳

為三軍以繫於後。中軍從王。從吳王。光帥右。掩餘帥左。

掩餘。吳王壽夢子。吳之罪人。或奔或止。三國亂。吳師擊之。三

國敗。獲胡沈之君。及陳大夫。舍胡沈之囚。使奔許。

與蔡頓曰。吾君死矣。師譟而從之。三國奔。三國許蔡頓。譟。素報反。

楚師大奔。書曰。胡子髡。沈子逞。滅獲陳夏。鬻君臣

之辭也國君社稷之主與宗廟共其存亡者故稱滅大夫輕故曰獲獲得也不言戰楚未陳也

嫌與陳例相涉故重發之

○八月丁酉南宮極震經書乙未地動魯地也丁酉南宮極震周地亦震也為屋所壓而死莒弘

謂劉文公曰君其勉之先君之力可濟也文公劉蚘也先君謂蚘之父獻公也獻公亦欲立子猛未及而卒

周之亡也其三川震謂幽王時也三川涇渭洛水也地動川岸崩

今西王之大臣亦震天弃之矣子朝在王城故謂西王東王必大

克敬王居狄泉在王城之東故曰東王

○楚大子建之母在郢郢陽也平王娶秦女廢大子建故母歸其家○郢古閔反召吳

人而啓之冬十月甲申吳大子諸樊入郢諸樊吳王僚之太子○顧

氏炎武曰諸樊乃王僚之伯父不應太子與之同名且僚子尚幼此必諸樊之太子光正義亦以為傳寫之誤取楚夫人與

其寶器以歸楚司馬遠越追之不及將死衆曰請

遂伐吳以徼之徼要其勝負○徼古堯反遠越曰再敗君師死且有

罪此年秋敗於雞父設往復敗為再敗亡君夫人不可以莫之死也乃縊

於遠澨遠澨楚地○在今湖廣安陸府京山縣

○公為叔孫故如晉及河有疾而復此年春晉為邾人執叔孫故公如晉謝之

○楚囊瓦為令尹囊瓦子囊之孫子常也代陽句城郢楚用子囊遺言已築郢城矣今畏吳復增脩以自固

沈尹戌曰子常必亡郢苟不能衛城無益也古者

天子守在四夷德及遠○守除下守其皆去聲天子卑守在諸侯政卑損諸

侯守在四鄰鄰國為之守諸侯卑守在四竟我自完慎其四竟

結其四援結四鄰之國為援助。援于春反。民狎其野狎安習也。三務成功春夏秋三

時之務民無內憂而又無外懼國焉用城今吳是懼而

城於郢守已小矣卑之不獲能無亡乎不獲守四竟。欲如諸侯卑之。

守在四竟而不可得也。昔梁伯溝其公宮而民潰在僖十八年。民弃其上

不亡何待夫正其疆場脩其土田險其走集走集邊竟之壘。

壁。場音亦。親其民人明其伍候使民有部伍相為候望。信其鄰國慎其

官守守其交禮交接之禮。不僭不貪不懦不耆懦弱也耆強也。懦乃亂反耆。完其守備以待不虞又何

巨支反。孔疏不僭不貪不耆謂不往侵鄰國也不懦謂不使人侵己也。

畏矣詩曰無念爾祖聿脩厥德詩大雅無念念也聿述也義取念祖考則述治其德

以顯之無亦監乎若敖蚡冒至于武文四君皆楚先君之賢者土不過

同方百里為一同言未滿一圻慎其四竟猶不城郢今土數圻方千里為圻

而郢是城不亦難乎言守若是難以為安也為定四年吳入楚傳

經二十有四年春王二月丙戌仲孫矍卒無傳孟僖子也。矍俱縛

反。子何忌。嗣為大夫。○媯至自晉喜得赦歸故書至○夏五月乙未朔日

有食之○秋八月大雩○丁酉杞伯郁釐卒無傳未同盟而

赴以名。丁酉九月五日。有日無月。釐力之反。○冬吳滅巢楚邑也書滅用大師。巢吳楚間小國楚取之以為附庸。

葬杞平公無傳

傳二十四年春王正月辛丑召簡公南宮嚳以甘

桓公見王子朝簡公名莊公之子召伯盈也嚳南宮極之子桓公甘平公之子劉子謂長弘

曰甘氏又往矣對曰何害同德度義度謀也言唯同心同德則能謀義子朝不能於我

無害大誓曰紂有億兆夷人亦有離德言紂眾億兆兼有四海不能同

德終敗亡尚書孔注夷人謂平人余有亂臣十人同心同德武王言我有治臣十人雖少同

心也今大誓無此語此周所以興也君其務德無患無人戊午

王子朝入于鄔緱氏西南有鄔聚言子朝稍強鄔烏戶反

○晉士彌牟逆叔孫于箕將禮而歸之叔孫使梁其鯀待

於門內鯀叔孫家臣鯀戶定反曰余左顧而歎乃殺之疑士伯來殺已故謀殺之歎

晉代反右顧而笑乃止叔孫見士伯士伯曰寡君以為

盟主之故是以久子久執子以謝邾不腆敝邑之禮將致諸

從者使彌牟逆吾子叔孫受禮而歸二月媾至自

晉尊晉也取媾族所以尊晉媾行人故不言罪己

○三月庚戌晉侯使士景伯涖問周故涖臨也就問子朝敬王知誰曲直

士伯立于乾祭而問於介衆乾祭王城北門介大也晉人

乃辭王子朝不納其使衆言子朝曲故

○夏五月乙未朔日有食之梓慎曰將水陰勝陽故曰將水

昭子曰旱也日過分而陽猶不克克必甚能無旱

乎過春分陽氣盛時而不勝陰陽將猥出故為旱陽不克莫將積聚也陽氣莫然不動乃將積聚

○六月壬申王子朝之師攻瑕及杏皆潰瑕杏敬王邑

○鄭伯如晉子大叔相見范獻子獻子曰若王室

何對曰老夫其國家不能恤敢及王室抑人亦有

言曰螫不恤其緯螫寡婦也織者常苦緯少寡婦所宜憂而憂宗周之隕

為將及焉恐禍及已今王室實蠢蠢焉蠢蠢動擾貌吾小國懼矣

然大國之憂也吾儕何知焉吾子其早圖之詩曰

餅之罄矣惟罍之恥詩小雅罍大器餅小器常稟於罍者而所受罄盡則罍為無餘故恥之○孔疏餅喻周罍王室之不寧晉之恥也獻

喻晉言周之微弱相依恃於晉今王室亂矣晉無力以助之是晉之恥也

子懼而與宣子圖之宣子韓起乃徵會於諸侯期以明年

為明年會黃父傳

○秋八月大雩旱也終如叔孫之言

○冬十月癸酉王子朝用成周之寶珪于河禱河求福

戍津人得諸河上珪自出陰不佞以溫人南侵不佞敬王大夫晉以溫人

助敬王南侵子朝拘得玉者取其玉將賣之則為石王定而

獻之不佞獻王與之東訾喜得玉故與之邑訾縣西南訾城是也

○楚子為舟師以畧吳疆略行也行吳界將侵之沈尹戌曰此行

也楚必亡邑不撫民而勞之吳不動而速之速名也吳

踵楚躡楚而疆場無備。邑能無亡乎？越大夫胥犴勞

王於豫章之汭汭水曲。場音亦犴音岸。越公子倉歸王乘舟歸遺也。倉

及壽夢帥師從王壽夢越大夫。王歸行及圍。王及圍陽而還。

陽君與壽夢還越也。吳人踵楚而邊人不備，遂滅巢。及鍾離而

還鍾離不書。告敗畧。沈尹戌曰：亡郢之始於此在矣。王壹動

而亡二姓之帥二姓之帥守巢鍾離大夫。幾如是而不及郢。詩曰：誰

生厲階，至今為梗詩大雅厲惡。階道梗病也。其王之謂乎為定四年吳入郢傳。

經二十有五年春，叔孫婁如宋。○夏，叔詣會晉趙

鞅、宋樂大心、衛北宮喜、鄭游吉、曹人、邾人、滕人、薛

人、小邾人于黃父。○有鸚鵡來巢此鳥穴居不在魯界故曰來巢非常故書。鸚其俱反。本又作鸛音欲。

○秋七月，上辛，大雩。季辛，又雩季辛，下旬之辛也。言又重上事。

○九月己亥，公孫于齊，次于陽州諱奔故曰孫若自孫讓而去位者陽州齊魯竟。

上邑未敢直前故次于竟。今山東兗州府東平州東北有陽州城。齊侯唁公于野井濟南祝阿縣東有野井亭齊侯。

來唁公不敢遠勞故逆之往至野井。音彥。野井亭今在山東濟南府齊河縣東濟河北岸。○冬十月戊辰，叔

孫婁卒公不與小斂而書日者公在外。非無恩。子不敢嗣為大夫。○十有一月己亥，宋

公佐卒于曲棘陳留外黃縣城中有曲棘里宋地未同盟而赴以名。曲棘當在今河南開封府杞縣境。○十

有二月，齊侯取鄆取鄆以居公也。

傳二十五年春，叔孫婁聘于宋，桐門右師見之右師樂大。

心居語卑宋大夫而賤司城氏司城樂氏之大宗也昭子告

其人曰右師其亡乎君子貴其身而後能及人是以有禮

唯禮可以貴身賤其身也賤人亦賤己能有禮乎無禮必亡為定十年樂宋公

享昭子賦新宮逸詩昭子賦車轄詩小雅周人思得賢女以配

女故明日宴飲酒樂宋公使昭子右坐坐宋公右以相語

相泣也樂祁佐助宴禮退而告人曰今茲君與叔孫其

皆死乎吾聞之哀樂可樂而哀而樂哀可哀而樂皆喪心也心之

精爽是謂魂魄魂魄去之何以能久為此冬叔孫季公

宋公卒傳

若之姊為小邾夫人平子庶姑與公若生宋元夫人宋元

平子之生子以妻季平子昭子如宋聘且逆之平子人

外姊公若從從昭子謂曹氏勿與魯將逐之曹氏宋元夫人

曹氏告公告樂祁樂祁曰與之如是魯君必出

政在季氏三世矣文子武魯君喪政四公矣宣成無民

而能逞其志者未之有也國君是以鎮撫其民詩

曰人之云亡心之憂矣詩大雅言無人則憂患至魯君失民矣焉得

逞其志靖以待命猶可動必憂為下公

○夏會于黃父謀王室也王室有子朝趙簡子令諸侯

之大夫簡子趙鞅輸王粟具成人曰明年將納王納王於王城子

大叔見趙簡子簡子問揖讓周旋之禮焉對曰是

儀也非禮也簡子曰敢問何謂禮對曰吉也聞諸

先大夫子產曰夫禮天之經也經者道之常地之義也義者利之

宜民之行也行者人所履○行去聲天地之經而民實則之○天經地義其

實一理故總而言則天之明日月星辰天之明也因地之性高下剛柔地之性也

生其六氣謂陰陽風雨晦明用其五行金木水火土氣為五味酸鹹辛

發為五色青黃赤白黑發見也章為五聲宮商角徵羽淫則昏亂民失

其性滋味聲色過則傷性是故為禮以奉之制禮以奉其性為六畜馬牛羊雞犬豕

五牲麋鹿麇狼兔三犧祭天地宗廟三者謂之犧以奉五味為九文謂山龍華蟲藻火粉米黼

黻也華若草華藻水草火畫火粉米若白米黼若分黻若兩已相戾傳曰火龍黼黻昭其文也

六采畫績之事雜用天地四方之色青與白赤與黑玄與黃皆相次謂之六色五章以奉五色青與赤謂之文赤與白謂之章白與黑謂之黼黑與青謂之黻五色備謂

之繡集此五章以奉成五色之用為九歌八風七音六律以奉五聲解見二十

年為君臣上下以則地義君臣有尊卑法地有高下為夫婦外內以

經二物夫治外婦治內各治其物○物事也所以經紀內外之二事為父子兄弟姊妹甥

舅昏媾姻亞以象天明六親和睦以事嚴父若眾星之共辰極也妻父曰昏重昏曰媾壻父曰姻兩壻

相謂曰亞為政事庸力行務以從四時在君為政在臣為事民功曰庸治功曰力行其德教務其

時要禮之本也為刑罰威獄使民畏忌以類其震曜殺戮雷震

電曜天之威也。聖人作刑戮以象類之為溫慈惠和以效天之生殖長育。民

有好惡喜怒哀樂生于六氣此六者皆稟陰陽風雨晦明之氣。孔疏民之六志六氣共生

之非一氣生一志也是故審則宜類以制六志為禮以制好惡喜怒哀樂六志使不過節哀

有哭泣樂有歌舞喜有施舍怒有戰鬥喜生於好

怒生於惡是故審行信令禍福賞罰以制死生生

好物也死惡物也好物樂也惡物哀也哀樂不失

乃能協于天地之性是以長久協和也簡子曰甚哉禮

之大也對曰禮上下之紀天地之經緯也經緯錯居以相成者

民之所以生也是以先王尚之故人之能自曲直

以赴禮者謂之成人夫不亦宜乎曲直以弼其性。性曲者以禮直之性直者以

禮曲之簡子曰鞅也請終身守此言也鞅能守此言故終免於晉陽之難宋

樂大心曰我不輸粟我於周為客二王後為賓客若之何使

客晉士伯曰自踐土以來踐土在僖二十八年宋何役之不會

而何盟之不同曰同恤王室子焉得辟之子奉君

命以會大事而宋背盟無乃不可乎右師不敢對

受牒而退右師樂大心士伯告簡子曰宋右師必亡奉君

命以使而欲背盟以干盟主無不祥大焉言不善無大此者為

定十年宋樂大心出奔傳

○有鸛鵒來巢。書所無也。師已曰：異哉！吾聞文武

之世，童謠有之。師已魯大夫曰：鸛之鵒之，公出辱之。言鸛

則公出辱也鸛鵒之羽，公在外野，往饋之馬。饋遺也鸛鵒跕跕

公在乾侯。跕跕，跳行貌。跕，張于反。徵褰與襦。褰，袴也。襦，而朱反。褰，苦故反。鸛鵒之巢

遠哉，遙遙，裊父喪勞，宋父以驕。裊，父昭公死外故喪勞。宋父，定公代立，故以驕。喪，去聲。

鸛鵒鸛鵒，往歌來哭。昭公生，出歌死，還哭。童謠有是，今鸛鵒來

巢，其將及乎？將及，禍也。

○秋，書再雩，旱甚也。

○初，季公鳥娶妻於齊鮑文子，生申。公鳥，季公亥之兄。平子，庶叔父。公

鳥死，季公亥與公思展與公鳥之臣申夜姑相其

室。公亥，即公若也。展，季氏族相。治也。夜，本作射，又音亦。及季妣與饗人檀通。季妣，公鳥妻。鮑文子，女饗

人，食而懼，乃使其妾扶己，以示秦遄之妻。秦遄，魯大夫妻。公鳥妹秦姬也。

○扶，敕乙反。曰：公若欲使余，余不可而扶余，又訴於公甫

公甫，平子弟。曰：展與夜姑將要余。要，劫我以非禮。要，平聲。秦姬以告公之

公之亦平子弟，公之與公甫告平子，平子拘展於卞，而執夜

姑，將殺之。公若泣而哀之，曰：殺是是殺余也，將為

之請。平子使豎勿內，日中不得請，有司逆命。執夜姑之有司。

欲迎受殺生之命。公之使速殺之，故公若怨平子。季郈之雞

鬪季平子。郈昭伯。二家相近。故雞鬪。○郈音后。季氏介其雞擣芥子播其羽也。或曰以膠沙播之。為介雞。○介甲也。高誘注。呂氏春秋云。鎧著雞頭是也。

郈氏請郈氏室。以自益。且讓之讓責也。故郈昭伯亦怨平子。臧昭伯之從弟會昭伯臧為子。○從去聲。後從者皆同。為讒於臧氏。而逃於季氏。臧氏執旗。平子怒。拘臧氏老。將禘於襄公。萬者二人。其衆萬於季氏。禘祭也。萬舞也。於禮。公當三十六人。臧孫曰。此之謂不能庸先君之廟。不能用禮也。蓋襄公別立廟。大夫遂怨平子。公若獻弓於公。為公為昭公。子務人。且與之出射於外。而謀去季氏。公為告公。果公賁。果賁皆公為弟。○賁音奔。公果公賁使侍人僚

相告公。公寢。將以戈擊之。乃走。公曰。執之。亦無命也。獨言執之。無敕命。○相側加反。懼而不出。數月不見。公不怒。又使言公執戈以懼之。乃走。又使言。公曰。非小人之所及也。謂僚。祖為小人。公果自言。公以告臧孫。臧孫以難言難逐。告郈孫。郈孫以可勸。告子家懿伯。子家。羈莊公之玄孫。懿伯曰。讒人以君徼幸。事若不克。君受其名。受惡名。不可為也。舍民數世。以求克事。不可必也。且政在焉。其難圖也。公退之。退使去。辭曰。臣與聞命矣。言若洩。臣不獲死。乃館於公。恐受洩命之罪。故留公宮以自明。叔孫昭子如闕闕魯邑。公居於長府。

昭公

省南

官府名九月戊戌伐季氏殺公之于門遂入之平子登

臺而請曰君不察臣之罪使有司討臣以干戈臣

請待於沂上以察罪弗許魯城南自有沂水平子欲出城待罪也沂水出蓋縣南至下邳入泗

請囚于費弗許請以五乘亡弗許子家子曰君其

許之政自之出久矣隱民多取食焉隱約窮困為之徒者

衆矣日入慝作弗可知也慝姦惡也日冥姦人將起叛君助季氏不可知衆怒不

可蓄也季氏衆蓄而弗治將蒞蒞積也○蒞紆粉反蒞蓄民將生心

生心同求將合與季氏同求叛君者君必悔之弗聽邱孫曰必

殺之公使邱孫逆孟懿子懿子仲孫何忌叔孫氏之司馬驪

戾言於其衆曰若之何莫對衆疑所助又曰我家臣也不

敢知國凡有季氏與無於我孰利皆曰無季氏是

無叔孫氏也驪戾曰然則救諸帥徒以往陷西北

隅以入陷公圍也公徒釋甲執冰而踞言無戰心也冰積丸蓋或云積丸是箭筈其蓋可以取飲

遂逐之逐公徒孟氏使登西北隅以望季氏見叔孫氏

之旌以告孟氏執邱昭伯殺之于南門之西遂伐

公徒子家子曰諸臣偽劫君者而負罪以出君止

使若非君本意者君自可止不出意如之事君也不敢不改意如季平子名公曰

余不忍也○不忍委罪諸臣與臧孫如墓謀辭先君且謀所奔遂行已

亥公孫于齊次于陽州齊侯將唁公于平陰公先至于野井齊侯曰寡人之罪也使有司待于平陰為近故也齊侯自咎本不勅有司遠詣陽州而欲近會于平陰故令魯侯過共先至野井遠見迎逆自咎以謝公書曰

公孫于齊次于陽州齊侯唁公于野井禮也將求於人則先下之禮之善物也物事也謂先往至野井齊侯曰自莒

疆以西請致千社二十五家為社千社二萬五千家欲以給公以待君命待君伐季氏之

命寡人將帥敝賦以從執事唯命是聽君之憂寡人之憂也公喜子家子曰天祿不再天若胙君不

過周公以魯足矣失魯而以千社為臣誰與之立

為齊臣○言從君之人皆將弃君去矣且齊君無信不如早之晉弗從臧昭

伯率從者將盟載書曰戮力壹心好惡同之信罪

之有無信明也處者有罪從者無罪繼繼從公無通外內繼繼不離散以公

命示子家子子家子曰如此吾不可以盟羈也不

佞不能與二三子同心而以為皆有罪從者陷君留者逐君皆有罪也

或欲通外內且欲去君去君偽負罪出奔不必繼繼從公二三子好亡

而惡定焉可同也陷君於難罪孰大焉通外內而去君君將速入弗通何為而何守焉乃不與盟何必守公

昭子自闕歸見平子平子稽顙曰子若我何昭子

曰人誰不死子以逐君成名子孫不忘不亦傷乎

將若子何平子曰苟使意如得改事君所謂生死

而肉骨也昭子從公于齊與公言子家子命適公

館者執之恐從者知叔孫謀公與昭子言於幄內曰將安眾

而納公昭子請歸安眾公徒將殺昭子伏諸道伏兵○孔疏昭子謀歸安眾而後納公則

獨公得入從公伐季氏者不得入故欲殺昭子也左師展告公公使昭子自鑄歸辟伏兵

平子有異志不欲復納公冬十月辛酉昭子齊於其寢使

祝宗祈死戊辰卒恥為平子所欺因祈而自殺○齊音齋左師展將以公乘

馬而歸公徒執之展魯大夫欲與公俱輕歸○輕去聲○欲共公單騎而歸也

○壬申尹文公涉于鞏焚東訾弗克文公子朝黨於鞏縣涉洛水也東訾

敬王邑○十一月宋元公將為公故如晉請納公夢犬子樂即

位於廟己與平公服而相之平公元公父旦召六卿公曰

寡人不佞不能事父兄父兄謂華向以為二三子憂寡人

之罪也若以羣子之靈獲保首領以歿唯是楸柎

所以藉幹者楸柎棺中筴牀也幹骸骨也○楸音駢柎音附請無及先君欲首仲幾

對曰君若以社稷之故私降昵宴羣臣弗敢知昵近也降

昵宴謂損親近聲樂飲食之事○昵女乙反若夫宋國之法死生之度先君有

春公傳注卷之三昭公

命矣。羣臣以死守之，弗敢失隊。臣之失職，常刑不赦。臣不忍其死，君命祇辱。言君命必不行，祇適也。宋公遂行。己亥。

卒于曲棘。為明年梁邱據語起本。

○十二月庚辰，齊侯圍鄆。欲取以居公，不書圍。鄆人自服，不成圍。

○初，臧昭伯如晉，臧會竊其寶龜。僂句。僂句，龜所出地名。僂音旅。

以卜為信與僭。僭吉。僭不信也。臧氏老將如晉，問會。問昭伯起居。

請往。代家老行。昭伯問家故，盡對。故事也。及內子與母弟叔孫。

則不對。內子，昭伯妻。不對，若有他故。再三問，不對。歸及郊，會逆問。又

如初。對又不對。至次於外而察之，皆無之。執而戮之，逸奔。

郈、郈魴假使為賈正焉。郈在東平無鹽縣東南，魴假郈邑大夫。賈正，掌貨物使有常價若市吏。魴音房，賈音嫁。今東平州東四十里有郈城。

計於季氏。送計簿於季氏。臧氏使五人，以戈楯

伏諸桐汝之間。桐汝，里名。楯，食準反。會出，逐之，反奔。執諸季氏

中門之外。平子怒曰：「何故以兵入吾門？」拘臧氏老。

季臧有惡。相怨惡。及昭伯從公，平子立臧會。立以為臧氏後。會曰：

「僂句不余欺也。」傳言卜筮之驗，善惡由人。

○楚子使薳射城州，屈復茹人焉。還復茹人於州。屈音加。城邱

皇，遷訾人焉。移訾人於邱皇。使熊相祺、郭巢、季然、郭卷。使二大夫為巢。

子犬叔聞之曰：「卷築郭也。卷城在南陽葉縣南。祺音梅。相去聲。今河南南陽府葉縣西南有建城，故城即卷城也。」

楚王將死矣。使民不安其土。民必憂。憂將及王。弗

能久矣。為明年楚子居卒傳

經二十有六年。春。王正月。葬宋元公。三月而葬。速。 ○三月。

公至自齊。居于鄆。 ○夏。公圍成。成孟氏邑。不書齊師。師賤。眾少。重在公。 ○秋。

公會齊侯。莒子。邾子。杞伯。盟于鄆陵。鄆陵地闕。 ○鄆音專。 公至

自會。居于鄆。無傳。 ○九月。庚申。楚子居卒。未同盟而赴以名。 ○

冬。十月。天王入于成周。傳言王入在于朝奔後。經在前者。子朝來告晚。 尹氏。召伯。

毛伯。以王子朝奔楚。召伯當言召氏。經誤也。尹召。族奔。非一人。故言氏。書奔在王入下者。王入乃告諸侯。

傳二十六年。春。王正月。庚申。齊侯取鄆。前年已取鄆。至是乃發傳者。為

公處鄆起

○葬宋元公。如先君禮也。善宋人違命以合禮。

○三月。公至自齊。處于鄆。言魯地也。入魯竟。故書至。猶在外。故書地。

○夏。齊侯將納公。命無受魯貨。申豐從。女賈。豐賈二人皆季氏家臣。女音汝。以幣錦二兩。二丈為一端。二端為一兩。所謂匹也。二兩二匹。 縛一如瑱。瑱充耳。縛。

卷也。急卷使如充耳。易懷藏。縛直轉反。瑱它殿反。 適齊師。謂子猶之人。高齧。齧子猶家臣。子猶梁邱據。

○齧魚。綺反。 能貨子猶。為高氏後粟五千庾。言若能為我行貨於子猶。當為請使得為。

高氏後。又當致粟五千庾。庾十六斗。凡八千斛。 高齧以錦示子猶。子猶欲之。齧曰。

魯人買之。百兩一布。以道之不通。先入幣財。言魯人買此甚

多布陳之以百兩為數。財猶材也。子猶受之。言於齊侯曰。羣臣不盡力

於魯君者。非不能事君也。欲行其說。故先示欲盡力納魯君。然據有異

焉。異猶恠也。宋元公為魯君如晉。卒於曲棘。叔孫昭子求

納其君。無疾而死。不知天之弃魯耶。抑魯君有罪

於鬼神。故及此也。君若待于曲棘。使羣臣從魯君

以卜焉。卜。知可伐否。若可。師有濟也。君而繼之。茲無敵矣。

若其無成。君無辱焉。齊侯從之。使公子鉏帥師從

公。鉏。齊大夫。成大。夫公孫朝謂平子曰。有都以衛國也。請

我受師。許之。以成邑。禦齊師。請納質。恐見疑。質音致。弗許。曰。信女足

矣。告於齊師曰。孟氏魯之敝室也。敝。壞也。用成已甚。弗

能忍也。請息肩于齊。公孫朝詐齊師言欲降。使來取成。齊師圍成。成人

伐齊師之飲馬于淄者。曰。將以厭眾。以厭眾。心不欲使知已降也。淄水出泰山

梁父縣西北入汶。厭於丹反。魯成備而後告曰。不勝眾。告齊言眾不欲降。已不能勝。師

及齊師戰于炊鼻。季氏師距公。非公命則不書。炊鼻魯地。齊子淵捷從洩聲

子。聲。子魯大夫。射之中楯瓦。瓦。楯脊。射音石。楯常允反。繇胸汰。軫七入者

三寸。入。楯瓦也。胸。車軛。軻。車轆。繇。過也。汰。矢激也。矢鏃也。胸。其俱反。一作胸汰。他達反。聲子射其馬。斬鞅。

殪。殪。死也。改駕人以為驂戾也。而助之。人。魯人也。驂戾。叔孫氏司馬。子車

曰。齊人也。子車。即淵捷。將擊子車。子車射之。殪。其御曰。又

之又欲使射餘人子車曰衆可懼也而不可怒也子囊帶從

野洩叱之囊帶齊大夫野洩即聲子。叱昌實反。洩曰軍無私怒報乃私也

將亢子欲以公戰禦之。不欲私報其叱。又叱之子囊復叱之。亦叱之野洩亦叱也言齊無戰心但相叱。

冉豎射陳武子中手冉豎季氏臣。失弓而罵武子罵。以告平子

曰有君子白皙鬢鬚眉甚口平子曰必子彊也無

乃亢諸子彊武子字。鬢之忍反。黑也。甚口甚有口辨也。對曰謂之君子何敢亢

之偽言不敢違季氏。林雍羞為顏鳴右皆魯人羞為右故下車戰。苑何忌取

其耳何忌齊大夫不欲殺雍但戮其耳以辱之。顏鳴去之其右見獲懼而去之。苑子之御曰

視下顧復欲使苑子擊其足。苑子刺林雍斷其足鑿而乘於他

車以歸鑿一足行。荆芳弗反。斷丁管反。鑿遣政反。說文云擊也。今江南猶謂刀擊為荆。顏鳴三入齊

師呼曰林雍乘言魯人皆致力於季氏不以私怨而相奔。呼乘並去聲。

○四月單子如晉告急五月戊午劉人敗王城之

師于尸氏劉人劉盆之屬王城子朝之徒尸氏在鞏縣西南偃師城。今河南河南府偃師縣西南有新蔡鎮即古尸鄉春秋時

之尸氏也。戊辰王城人劉人戰于施谷劉師敗績施谷周地。

○秋盟于鄆陵謀納公也齊侯謀。

○七月己巳劉子以王出師敗懼而出。孔疏自劉而出。庚午次于渠

渠周地。即周陽渠。在今河南府洛陽縣。王城人焚劉燒劉子邑。丙子王宿于褚氏洛陽縣南

有褚氏亭。褚音煮。後漢志洛陽有褚氏聚今在洛陽縣東。丁丑王次于荏谷庚辰王入

于胥靡辛巳王次于滑荑谷胥靡滑皆周地胥靡滑本鄭邑後漢書孫堅進軍大谷距洛九十里其谷連亘至潁陽縣何進設八關大谷其一也周之荑谷施谷皆其支徑耳胥靡城在偃師縣東南四十里滑即偃師縣南緱氏故城晉知

躒趙鞅帥師納王使女寬守闕塞女寬晉大夫闕塞洛陽西南伊闕口也守之備

子朝女音汝塞素代反闕塞山在洛陽縣南

○九月楚平王卒令尹子常欲立子西子西平王之長庶曰

犬子壬弱其母非適也壬昭王也王子建實聘之子西長

而好善立長則順建善則治王順國治可不務乎

子西怒曰是亂國而惡君王也言王子建聘之是章君王之惡國有外

援不可瀆也外援秦也瀆慢也王有適嗣不可亂也敗親速

讎不立壬秦將來討是速讎也亂嗣不祥我受其名受惡名賂吾以天下

吾滋不從也滋益也楚國何為必殺令尹令尹懼乃立

昭王

○冬十月丙申王起師于滑起發也辛丑在郊郊子朝邑遂次

于尸十一月辛酉晉師克鞏知鞏趙鞅之師召伯盈逐王子

朝伯盈本黨子朝晉師克鞏知子朝不成更逐之而逆敬王王子朝及召氏之族毛伯得

尹氏固南宮嚚奉周之典籍以奔楚尹召二族皆奔故稱氏重見尹固名者為

陰忌奔莒以叛陰忌子朝黨莒周邑召伯逆王于尸及劉子

單子盟名伯新還故盟遂軍圍澤次于隄上圍澤隄上皆周地○隄音低○圍澤即東園之

澤今在洛陽縣東境

癸酉王入于成周

成周今洛陽

甲戌盟于襄宮

襄王之廟

晉師使成公般戍周而還

般晉大夫

十二月癸未王

入于莊宮

莊宮在王城

王子朝使告于諸侯曰昔武王克

殷成王靖四方康王息民竝建母弟以蕃屏周亦

曰吾無專享文武之功

不敢專故建母弟

且為後人之迷敗

傾覆而溺入于難則振救之至于夷王王愆于厥

身

夷王厲王父也愆惡疾也○覆音福

諸侯莫不竝走其望以祈王身至

于厲王王心戾虐萬民弗忍居王于彘

不忍害王也厲王之末周人流

王于彘

諸侯釋位以閒王政

閒猶與也去其位與治王之政事○閒去聲

宣王有志

而後效官

宣王厲王子彘之亂宣王尚少召公虎取而長之效授也

至于幽王天不弔周

王昏不若用愆厥位

幽王宣王子若順也愆失也

攜王奸命諸侯替

之而建王嗣用遷邾郈

攜王幽王少子伯服也王嗣宜曰也幽王后申姜生犬子宜曰王幸襄姒生伯

弟之能用力於王室也至于惠王天不靖周生頹

禍心施于叔帶惠襄辟難越去王都

惠王平王六世孫頹惠王庶叔也莊十九

年作亂惠王適鄭襄王惠王子叔帶襄王弟

僖二十四年叔帶作難襄王處汜○施音異

黜去也晉文殺叔帶鄭厲殺

子頹為王室去不端直之人以綏定王家則是兄弟之能率

先王之命也在定王六年秦人降妖

定王襄王孫定王六年魯宣八年

周其有頤王亦克能脩其職諸侯服享二世共職

二世謂靈景王室其有間王位諸侯不圖而受其亂災

間王位謂子朝也今子朝以為王猛受亂災謂楚也今子朝以為晉至于靈王生而有

頤靈王定王孫王甚神聖無惡於諸侯靈王景王克終其

世景王靈王子今王室亂單旗劉狄剝亂天下壹行不若

單旗穆公也劉狄劉盆也壹專也謂先王何常之有言先王無常法唯余心所命

其誰敢討之帥羣不弔之人弔至也○弔如字舊丁歷反○傳氏遜曰好行禍亂不相弔恤之人

以行亂于王室侵欲無厭規求無度貫瀆鬼神貫瀆也瀆

易也○厭平聲貫古患反慢弃刑法倍奸齊盟傲很威儀矯誣先王

晉為不道是攝是贊攝持也贊佐也先王謂景王○很戶懇反思肆其罔極肆放也

茲不穀震盪播越竄在荆蠻茲此也此不穀子朝自謂未有攸底底至也攸

所也○底音旨若我一二兄弟甥舅獎順天法無助狡猾以

從先王之命毋速天罰赦圖不穀赦其憂而圖其難則所願

也敢盡布其腹心及先王之經而諸侯實深圖之

昔先王之命曰王后無適則擇立長年鈞以德德

鈞以卜此所謂先王之經王不立愛公卿無私古之制也穆

后及大子壽早夭即世在十五年單劉贊私立少以閒先

王閒錯先王之制亦唯伯仲叔季圖之伯仲叔季總謂諸侯閔馬父聞子

朝之辭曰文辭以行禮也子朝于景之命遠晉之
大以專其志無禮甚矣文辭何為傳終王室亂

○齊有彗星出齊之分野不書魯不見齊侯使禳之祭以禳除之晏子曰無

益也祇取誣焉誣欺也天道不諂諂疑也諂本又作慝他刀反不諂不好諂也不貳

其命若之何禳之且天之有彗也以除穢也君無

穢德又何禳焉若德之穢禳之何損詩曰惟此文

王小心翼翼昭事上帝聿懷多福厥德不回以受

方國詩大雅翼翼共也聿惟也回違也言文王德不違天人故四方之國歸往之君無違德方國將

至何患於彗詩曰我無所監夏后及商用亂之故

民卒流亡逸詩也言追監夏商之亡皆以亂故若德回亂民將流亡祝史

之為無能補也公說乃止齊侯與晏子坐于路寢

公歎曰美哉室其誰有此乎景公自知德不能久有國故歎也晏子曰

敢問何謂也公曰吾以為在德言我以為有德者當能有此室也對曰

如君之言其陳氏乎陳氏雖無大德而有施於民

豆區釜鐘之數其取之公也薄謂以公量收○施去聲區音甌其施之

民也厚謂以私量貸公厚斂焉陳氏厚施焉民歸之矣詩

曰雖無德與女式歌且舞詩小雅義取雖無大德要有喜說之心欲歌舞之式用也陳

氏之施民歌舞之矣後世若少惰陳氏而不亡則

國其國也已公曰善哉是可若何對曰唯禮可以已之在禮家施不及國民不遷農不移工賈不變

守常業。賈音古。士不濫不夫職官不滔滔慢也大夫不收公利不作福公

曰善哉我不能矣吾今而後知禮之可以為國也

對曰禮之可以為國也久矣與天地竝有天地則禮義興君

令臣共父慈子孝兄愛弟敬夫和妻柔姑慈婦聽

禮也君令而不違臣共而不貳父慈而教子孝而

箴箴諫也兄愛而友弟敬而順夫和而義妻柔而正姑

慈而從從不自專婦聽而婉婉順也禮之善物也公曰善哉寡

人今而後聞此禮之上也禮者先王之所尊尚對曰先王所稟

於天地以為其民也是以先王上之稟受也

春秋左傳杜注卷第二十五

春秋左傳卷第二十六

昭公二十有七年春公如齊公至自齊居于鄆

春秋左傳杜注卷第二十六

華亭姚培謙學

昭公

經二十有七年春公如齊自鄆行公至自齊居于鄆○

夏四月吳弑其君僚僚亟戰民罷又伐楚喪故光乘閒而動稱國以弑罪在僚○湛氏若水曰書吳弑其君僚

則亂賊之罪可得矣案左氏傳弑吳君僚者公子光專諸也而書曰吳者使人考其跡而罪人斯得矣○楚殺其大夫

郤宛無極楚之讒人宛所明知而信近之以取敗亡故書名罪宛○郤去逆反宛於阮反○金氏賢曰子常殺宛何為而稱國以殺君無道以

令其臣致其擅殺大夫而無忌紀綱亡矣是則君之罪也○秋晉士鞅宋樂祁犁衛北宮

喜曹人邾人滕人會于扈○冬十月曹伯午卒無傳未同

盟而赴

○邾快來奔

無傳快邾命卿也故書

○公如齊

自鄆行

公至自齊

居于鄆

無傳

傳二十七年春公如齊公至自齊處于鄆言在外

也

在外邑故書地

○吳子欲因楚喪而伐之

前年楚平王卒

使公子掩餘公子

燭庸帥師圍潛

二子皆王僚母弟潛楚邑在廬江六縣西南今江南廬州府霍山縣東北三十里有潛城

使

延州來季子聘于上國

季子本封延陵後復封州來故曰延州來

遂聘于晉以

觀諸侯

觀疆弱

楚莠尹然工尹麋帥師救潛

二尹楚官然麋其名左

司馬沈尹戌帥都君子與王馬之屬以濟師

都君子在都邑

之士有復除者王馬之屬王之養馬官屬校人也濟益也○復音福○復除謂優復其身除其徭役也此人或別有功勞或曲蒙恩澤平常免其徭役事急乃使與吳師遇于窮

尹子常以舟師及沙汭而還

沙水名○水經注汴沙到浚儀而分汴東注沙南流至義城縣

西南入于淮謂之沙汭楚東地也義城故城在今鳳陽府懷遠縣東北

左尹卻宛工尹壽帥師至

于潛吳師不能退

楚師彊故吳不得退去

吳公子光曰此時也弗

可失也

欲因其師徒在外國不堪役以弑王

告鱄設諸曰上國有言曰不

索何獲我王嗣也吾欲求之

光吳王諸樊子也故曰我王嗣○索所白反

事若

克季子雖至不吾廢也

至謂聘還

鱄設諸曰王可弑也母

老子弱是無若我何

猶言我無若是何欲以老弱託光

光曰我爾身也

言我身猶爾身夏四月光伏甲於堀室而享王掘地為室。王使

甲坐於道及其門坐道邊至光門門階戶席皆王親也夾之

以鉞羞者獻體改服於門外羞進食也獻體解衣。鉞音披劍也執羞者

坐行而入坐行膝行執鉞者夾承之承執羞者及體以相授也鉞及進羞

者體以所食授王光偽足疾入于堀室恐難作王黨殺已素辟之縛設諸寘劍

於魚中以進全魚炙抽劍刺王鉞交於胸交縛諸胸遂弑王闔

廬以其子為卿闔廬光也以縛諸子為卿季子至曰苟先君無廢祀

民人無廢主社稷有奉國家無傾乃吾君也吾誰

敢怨哀死事生以待天命非我生亂立者從之先

人之道也吳自諸樊以下兄弟相傳而不立適是亂由先人起也季子自知力不能討光故云爾復命哭墓

復使命於僚墓復位而待復本位待光命吳公子掩餘奔徐公子燭庸

奔鍾吾鍾吾小國漢志東海郡司吾應劭曰左傳執鍾吾子今江南邳州宿遷縣西北有司吾城楚師聞吳

亂而還言聞吳亂明卻宛不取賂而還

○卻宛直而和國人說之以直事君以和接類鄆將師為右領

右領官名。鄆於晚反與費無極比而惡之惡卻宛。比毗志反令尹子常賄

而信讒無極譖卻宛焉謂子常曰子惡欲飲子酒

子惡卻宛又謂子惡令尹欲飲酒於子氏子惡曰我賤人

也不足以辱令尹令尹將必來辱為惠已甚吾無

以酬之若何酬報無極曰令尹好甲兵子出之吾擇

焉擇取以進子常取五甲五兵曰寘諸門令尹至必觀之而

從以酬之曰無極辭及饗曰惟諸門左張帷陳甲兵其中無極謂令

尹曰吾幾禍子子惡將為子不利甲在門矣子必

無往且此役也此春救潛之役吳可以得志子惡取賂焉而

還又誤羣帥使退其師曰乘亂不祥吳乘我喪我

乘其亂不亦可乎令尹使視郤氏則有甲焉不往

召鄢將師而告之告子惡門有甲兵將害已將師退遂令攻郤氏且

爇之爇燒也爇如悅反子惡聞之遂自殺也國人弗爇令曰

不爇郤氏與之同罪或取一編管焉或取一秉秆

焉編管苦也秉把也秆稔也管古顏反秆古但反或取一片管或取一把稔言民不肯燒之國人投之遂弗

爇也令尹炮之炮燔盡滅郤氏之族黨殺陽令終與

其弟完及佗令終陽甸子佗徒河反與晉陳及其子弟晉陳楚大夫皆郤氏之黨晉

陳之族呼於國曰鄢氏費氏自以為王專禍楚國

弱寡王室蒙王與令尹以自利也蒙欺也呼去聲令尹盡

信之矣國將如何令尹病之為下殺無極張本

○秋會于扈令戍周且謀納公也宋衛皆利納公

固請之范獻子取貨於季孫謂司城子梁與北宮

貞子

子梁宋樂祁也貞子衛北宮喜

曰季孫未知其罪而君伐之請囚

請亡於是乎不獲君又弗克而自出也夫豈無備

而能出君乎季氏之復天救之也復猶安也休公徒之怒

也而啓叔孫氏之心不然豈其伐人而說甲執冰

以游叔孫氏懼禍之濫而自同於季氏天之道也

魯君守齊三年而無成季氏甚得其民淮夷與之

淮夷魯東夷說他活反有十年之備有齊楚之援公雖在齊言齊不致力有天

贊有民之助有堅守之心有列國之權而弗敢宣

也宣用也事君如在國書公行告公至是也故鞅以為難二子皆圖

國者也而欲納魯君鞅之願也請從二子以圍魯

無成死之二子懼皆辭乃辭小國而以難復以難納白晉君

○孟懿子陽虎伐鄆陽虎季氏家臣伐鄆欲奪公欲奪公鄆使公不得居鄆人將戰

子家子曰天命不惛久矣惛疑也言弃君不疑使君亡者必此

眾也言君據鄆眾以與魯戰必敗亡天既禍之而自福也不亦難乎猶

有鬼神此必敗也言尚有鬼神以助君此戰必當敗也况無鬼神乎嗚呼為無望也

夫其死於此乎公使子家子如晉公徒敗于且知

且知近鄆地也○且子餘反

○楚卻宛之難國言未已進胙者莫不謗令尹進胙國中

祭祀也
謗詛也

沈尹戍言於子常曰夫左尹與中廢尹莫知

其罪而子殺之以興謗讟至於今不已左尹郤宛也中廢尹陽令終

戍也惑之仁者殺人以掩謗猶弗為也今吾子殺

人以興謗而弗圖不亦異乎夫無極楚之讒人也

民莫不知去朝吳在十五年出蔡侯朱在二十一年喪犬子建殺

連尹奢在二十一年屏王之耳目使不聰明不然平王之温

惠共儉有過成莊無不及焉所以不獲諸侯邇無

極也邇近也今又殺三不辜以興大謗三不辜郤氏陽氏晉陳氏幾及子

矣子而不圖將焉用之幾平聲夫鄢將師矯子之命以

滅三族國之良也而不愆位在位無愆過吳新有君光新立也疆

場日駭楚國若有大事子其危哉知者除讒以自

安也今子愛讒以自危也甚矣其惑也音亦子常曰

是瓦之罪敢不良圖九月己未子常殺費無極與

鄢將師盡滅其族以說于國謗言乃止

○冬公如齊齊侯請饗之設饗禮子家子曰朝夕立於

其朝又何饗焉其飲酒也此子家料事之詞乃飲酒使宰獻

而請安比公於大夫也禮君不敵臣宴大夫使宰為主獻獻爵也請安齊侯請自安不在坐也子仲之子

曰重為齊侯夫人曰請使重見子仲魯公子愨也十二年謀逐季氏不能而奔齊今行飲

酒禮而欲使重見從宴媾也。見音現。媾息列反。

子家子乃以君出。

辟齊夫人

○十二月，晉籍秦致諸侯之戍于周，魯人辭以難。

經所以不書戍，周籍秦籍談子。

經二十有八年，春，王三月，葬曹悼公。

無傳六月而葬，緩。

○公

如晉，次于乾侯。

乾侯在魏郡斥邱縣，晉竟內邑。今直隸廣平府成安縣東南有斥邱故城。

○夏，四

月，丙戌，鄭伯寧卒。

無傳，未同盟而赴以名。

○六月，葬鄭定公。

無傳三月而葬。

速

○秋，七月，癸巳，滕子寧卒。

無傳，未同盟而赴以名。

○冬，葬滕悼

公。

傳二十八年，春，公如晉，將如乾侯。

齊侯卑公，故適晉。

子家子

曰：有求於人，而即其安，人孰矜之？其造於竟。

欲使次於竟以

待弗聽，使請逆於晉。晉人曰：天禍魯國，君淹恤在

外，君亦不使一个辱在寡人。

一个，單使。

而即安於甥舅，其

亦使逆君。

言自使齊逆君。

使公復于竟，而後逆之。

逆著乾侯也，言公不能用子家

所以見辱。著直略反。

○晉祁勝與鄔臧通室。

二子，祁盈家臣也。通室，易妻。

祁盈將執之。

盈祁午之

子訪於司馬叔游。

叔游，司馬叔侯之子。

叔游曰：鄭書有之，惡直

醜正，實蕃有徒。

鄭書，古書名也。言害正直者，實多徒眾。

無道立矣，子懼不免。

言世亂，讒勝。

詩曰：民之多辟，無自立辟。

詩大雅。多辟，匹亦反。立辟，婢亦反。

姑已。

若何姑且也盈曰祁氏私有討國何有焉言討家臣無與國事遂

執之祁勝賂荀躒荀躒為之言於晉侯晉侯執祁

盈以其專戮祁盈之臣曰鈞將皆死鈞同也慙使吾君聞勝

與臧之死也以為快慙發語之音○慙魚覲反○吾君謂祁盈乃殺之夏六月

晉殺祁盈及楊食我楊叔向邑食我叔向子伯石也○食音嗣食我祁盈之黨

也而助亂故殺之遂滅祁氏羊舌氏初叔向欲娶

於申公巫臣氏夏姬女也其母欲娶其黨叔向曰吾母多

而庶鮮吾懲舅氏矣言又多妾媵而庶子鮮少嫌母氏性不曠其母曰子靈之

妻殺三夫子靈巫臣妻夏姬也三夫陳御叔楚襄老及巫臣也時巫臣已死一君陳靈公一子夏徵舒而

亡一國陳也兩卿矣孔寧儀行父可無懲乎吾聞之甚美必

有甚惡是鄭穆少妃姚子之子子貉之妹也子貉鄭靈公夷

○貉亡白反子貉早死無後而天鍾美於是是夏姬也鍾聚也子貉死在宣四年○此

因鄭靈早天而夏姬美推之為此言將必以是大有敗也○孔疏夏姬淫或喪國滅家叔向之母猶謂未

得大敗故言將必以是大有敗也十四年傳稱施邢侯者或昔有仍氏

生女黥黑有仍古諸侯也美髮為黥○黥之忍反而甚美光可以鑑髮膚光色可以照人

名曰玄妻以髮黑故樂正后夔取之夔舜典樂之君長生伯封實有

豕心貪惓無饜忿顛無期謂之封豕顛戾也封大也○惓力耽反有

窮后羿滅之夔是以不祀羿篡夏后且三代之亡共子

之廢皆是物也復以妹喜殷以妲己周以褒姒三代所由亡也共子晉申生以驪姬廢○喜本或作嬉女何以

為哉夫有尤物足以移人苟非德義則必有禍尤異也○

言苟不以德義自持則必有禍叔向懼不敢取平公強使取之生伯石

伯石始生子容之母走謁諸姑子容母叔向嫂伯華妻也姑叔向母曰長

叔姒生男兄弟之妻相謂姒姑視之及堂聞其聲而還曰是

豺狼之聲也狼子野心非是莫喪羊舌氏矣遂弗

視

○秋晉韓宣子卒魏獻子為政獻子魏舒分祁氏之田以

為七縣七縣鄆祁平陵梗陽塗水馬首孟也分羊舌氏之田以為三縣銅鞮平陽

楊氏司馬彌牟為鄆大夫大原鄆縣○今鄆城故址在山西大原府介休縣東北二十七里賈

辛為祁大夫大原祁縣○今大原府祁縣東南八里有古祁城司馬烏為平陵大夫

魏戊為梗楊大夫戊魏舒庶子梗陽在大原晉陽縣南○平陵亦曰大陵今文水縣東北二十里有大陵故城清

源縣南有梗陽城俱屬大原府戊音茂知徐吾為塗水大夫徐吾知盈孫塗水大原榆次縣○今塗水故城

在大原府榆次縣西南二十里韓固為馬首大夫固韓起孫○馬首故城在大原府壽陽縣東南孟丙

為孟大夫大原孟縣○今縣屬大原府樂霄為銅鞮大夫上黨銅鞮縣○故城在山西沁

州西趙朝為平陽大夫朝趙勝曾孫平陽平陽縣○故城在山西平陽府臨汾縣西南僚安為

楊氏大夫平陽楊氏縣○平陽府洪洞縣南二里有古楊城謂賈辛司馬烏為有力

於王室二十二年辛烏帥師納敬王○烏即司馬督故舉之謂知徐吾趙朝韓

固魏戊餘子之不失職能守業者也卿之庶子為餘子其四

人者皆受縣而後見於魏子以賢舉也四人司馬彌牟孟丙樂霄僚安

也受縣而後見言采眾而舉不以私也○言非素識魏子謂成鱣鱣晉大夫鱣音專吾與戊也縣

人其以我為黨乎對曰何也戊之為人也遠不忘

君遠疏也近不偏同不偏同位居利思義不苟得在約思純無濫心有守

心而無淫行雖與之縣不亦可乎昔武王克商光

有天下光大也○行去聲其兄弟之國者十有五人姬姓之

國者四十人皆舉親也夫舉無他唯善所在親疏

一也詩曰唯此文王帝度其心莫其德音其德克

明克明克類克長克君王此大國克順克比比于

文王其德靡悔既受帝祉施于孫子詩大雅美文王能王

孫○莫亡白反施以豉反心能制義曰度帝度其心德正應和曰莫莫然清靜○其德既正為

政清靜故有所施為民皆應和照臨四方曰明勤施無私曰類施而無私物

類也○施去聲教誨不倦曰長教誨長人之道賞慶刑威曰君作威作福君之職也慈

和徧服曰順唯順故天擇善而從之曰比比方善事使相從也經緯天

地曰文經緯相錯故織成文九德不愆作事無悔九德上九曰也皆無愆過則動無悔吝

故襲天祿子孫賴之襲受也主之舉也近文德矣所及

其遠哉舉魏戊等勤施無私也其四人者擇善而從故曰近文德所及遠也賈辛將適其縣見於

魏子魏子曰辛來昔叔向適鄭醜蔑惡惡貌欲觀叔

向從使之收器者從隨也隨使人應斂俎豆者而往立於堂下一言

而善叔向將飲酒聞之曰必驥明也素聞其賢故聞其言而知之下

執其手以上曰昔賈大夫惡賈國之大夫惡亦醜也娶妻而美三

年不言不笑御以如臯為妻御之臯澤射雉獲之其妻始笑

而言賈大夫曰才之不可以已我不能射女遂不

言不笑夫今子少不颺顏貌不揚顯射雉音石子若無言吾幾失

子矣言之不可以已也如是遂如故知今女有力

於王室吾是以舉女因賈辛有功而後舉之言人不可無能行乎敬之哉毋

墮乃力墮損也墮許規反仲尼聞魏子之舉也以為義曰近

不失親謂舉魏戊遠不失舉以賢舉可謂義矣又聞其命賈

辛也以為忠先賞王室之功故為忠詩曰永言配命自求多福忠

也詩大雅永長也言能長配天命致多福者唯忠魏子之舉也義其命也忠其長

有後於晉國乎

○冬梗陽人有獄魏戊不能斷以獄上上魏子○斷于亂反其大

宗賂以女樂訟者之大宗魏子將受之魏戊謂閻沒女寬

二人魏子之屬大夫曰主以不賄聞於諸侯若受梗陽人賄莫

甚焉吾子必諫皆許諾退朝待於庭魏子朝君退而待於魏子之庭饋

入召之名二大夫食比置三歎既食使坐更命之令坐魏子曰

吾聞諸伯叔諺曰唯食忘憂吾子置食之間三歎

何也同辭而對曰或賜二小人酒不夕食或他人也言飢甚

饋之始至恐其不足是以歎中置自咎曰豈將軍

食之而有不足是以再歎魏子中軍帥故謂之將軍及饋之畢

願以小人之心屬厭而已屬足也言小人之腹飽猶知厭

足君子之心亦宜然獻子辭梗陽人傳言魏氏所以與也

經二十有九年春公至自乾侯居于鄆以乾侯至不得見晉侯故齊

侯使高張來唁公唁公至晉不見受高張高偃子公如晉次于乾侯

復不見受住乾侯○夏四月庚子叔詣卒無傳○秋七月○冬

十月鄆潰無傳民逃其上曰潰潰散叛公

傳二十九年春公至自乾侯處于鄆齊侯使高張

來唁公稱主君比公於大夫子家子曰齊卑君矣君祇辱

焉言往事齊適取辱公如乾侯為齊所卑故復適晉冀見恤

○三月己卯京師殺召伯盈尹氏固及原伯魯之

子皆子朝黨也稱伯魯子終不說學○說音悅尹固之復也二十六年尹固與子朝俱奔楚而道還有婦

人遇之周郊尤之曰處則勸人為禍行則數日而

反是夫也其過三歲乎夏五月庚寅王子趙車入

于鄆以叛陰不佞敗之趙車子朝之餘也見王殺伯盈等故叛鄆周邑。鄆列勉反。

○平子每歲賈馬賈買也。賈音古。具從者之衣履而歸之

于乾侯公執歸馬者賣之賣其馬。乃不歸馬衛侯來獻

其乘馬曰啓服啓服馬名。塹而死隋塹死也。塹七艷反。公將為之積為作棺也。

子家子曰從者病矣請以食之乃以帷裏之禮曰敝惟不棄。

為埋馬也。○食音嗣。公賜公衍羔裘使獻龍輔於齊侯龍輔玉名。遂入

羔裘齊侯喜與之陽穀陽穀齊邑。公衍公為之生也其母

偕出出之產舍。公衍先生公為之母曰相與偕出請相與

偕告留公衍母使待已共白公。三日公為生其母先以告公為為兄

公私喜於陽穀而思於魯曰務人為此禍也務人公為也始

與公若謀逐季氏。且後生而為兄其誣也久矣乃黜之而以

公衍為犬子

○秋龍見于絳郊絳晉國都。魏獻子問於蔡墨蔡墨晉大史。曰吾

聞之蟲莫知於龍以其不生得也謂之知信乎對

曰人實不知非龍實知言龍無知乃人不知之耳。莫知音智。下謂之知實知注無知同。孔疏言龍

可生得非是不生得也故說古有養龍之事以證龍可生得也以人不知有此事故今說之。古者畜龍故國有

豢龍氏有御龍氏豢御養也。獻子曰是二氏者吾亦聞之

而不知其故是何謂也對曰昔有颺叔安颺古國也。叔安其君。

名。颺。有裔子曰董父。裔遠也。立孫之後。為裔。裔以制反。實甚好龍。能求

其耆欲。以飲食之。龍多歸之。乃擾畜龍。以服事帝。舜帝賜之姓曰董。擾順也。飲去聲。食音嗣。下同。氏曰豢龍。豢龍官名。官有世功。則以官氏。

封諸騶川。騶夷氏其後也。騶水上夷。皆董姓。故帝舜氏世有

畜龍。及有夏孔甲。擾于有帝。孔甲少康之後九世君也。其德能順於天。帝賜之

乘龍。河漢各二。合為四。乘去聲。各有雌雄。孔甲不能食。而

未獲豢龍氏。有陶唐氏既衰。其後有劉累。陶唐堯所治也。學

擾龍于豢龍氏。以事孔甲。能飲食之。夏后嘉之。賜

氏曰御龍。夏后孔甲。累更代也。以劉累代彭姓之豢龍。累尋遷魯縣。豢復國。至商而

滅累之後。世復承其國。為豢龍氏。在襄二十四年。龍一雌死。潛醢以食夏后。潛藏也。藏以醢。明龍不

知。夏后饗之。既而使求之。求致龍也。懼而遷於魯縣。不能致龍。故懼

遷魯縣。自貶退也。魯縣今魯陽也。○魯陽故城。在今河南汝寧府魯山縣西北。范氏其後也。晉范氏也。獻子曰。

今何故無之。對曰。夫物。物有其官。官脩其方。方法。術。朝

夕思之。一日失職。則死及之。失職。有罪。失官不食。不食。祿。官宿

其業。宿猶安也。其物乃至。設水官脩則龍至。若泯弃之物。乃坻伏。泯滅也。坻。

止也。○鬱湮不育。鬱滯也。湮塞也。育生也。○湮音因。○孔疏。若滅弃所坻音旨。鬱湮不育。掌之事。令職事不脩。則其物乃止息。而潛伏沉滯。壅

塞。不復生育。以此故不可生而得也。故有五行之官。是謂五官。實列受氏

姓。封為上公。爵上。祀為貴神。社稷五祀。是尊是奉。五官之君。

長能脩其業者死皆配食於五行之神為王者所尊奉

反下同重 火正曰祝融祝融明貌其祀犂焉金正曰蓐收秋物摧蓐而可收也其祀該焉

○蓐本又作辱 水正曰玄冥水陰而幽冥其祀脩及熙焉土正曰后土土為羣物主故稱后也其

祀向龍焉在家則祀中雷在野則為社○雷力救反 龍水物也水官弃矣故龍不生

得也弃廢也不然周易有之言若不爾周易無緣有龍在乾三三乾下乾上乾之姤

三三巽下乾上姤乾初九變曰潛龍勿用乾初九爻辭其同人三三離下乾上同人

乾九二乾九二爻辭曰見龍在田乾九二爻辭其大有三三乾下離上大曰飛龍

在天乾九五爻辭其夬三三乾下兌上夬乾上九變○夬古快反曰亢龍有悔乾上九爻

辭 其坤三三坤上坤下坤乾六爻皆變曰見羣龍無首吉乾用九爻辭坤之

剝三三坤下艮上剝坤上六變曰龍戰于野坤上六爻辭若不朝夕見誰

能物之物謂上六卦所稱龍各不同也今說易者皆以龍喻陽氣如史墨之言則為皆是真龍獻子曰社稷

五祀誰氏之五官也問五官之長皆是誰對曰少皞氏有四叔

少皞少皞金天氏曰重曰該曰脩曰熙實能金木及水能治其官使重

為句芒木正該為蓐收金正脩及熙為玄冥二子相代為水正世

不失職遂濟窮桑此其三祀也窮桑少皞之號也四子能治其官使不失職濟成少皞之

功死皆為民所祀窮桑地在魯北○即少皞之虛也 顓頊氏有子曰犂為祝融犂為火正共

工氏有子曰句龍為后土共工在大皞後神農前以水名官者其子句龍能平水土故死而見祀

此其二祀也后土為社方答社稷故明言為社稷田正也掌播殖也有烈

山氏之子曰柱。為稷。烈山氏神農世諸侯。鄭皆以烈山炎帝之號。自夏以上祀

之。祀柱。周弃亦為稷。弃周之始祖。能播百穀。湯既勝夏。廢柱而以弃代之。自商以來祀之。

傳言蔡墨之博物

○冬。晉趙鞅荀寅帥師城汝濱。趙鞅趙武孫也。荀寅中行荀吳之子。汝濱晉所取陸渾地。

遂賦晉國一鼓鐵以鑄刑鼎。陸渾今河南河南府嵩縣汝水在縣南。為鐵計。今一鼓而足。因軍役而為之。故言遂。鼓量名。王肅家語注。三十斤為鈞。鈞四為石。石四為鼓。蓋用四百八十斤鐵。著范宣

子所為刑書焉。仲尼曰。晉其亡乎。失其度矣。夫晉

國將守唐叔之所受法度。以經緯其民。卿大夫以

序守之。序位次也。民是以能尊其貴。貴是以能守其業。孔疏守

其舊法。民不預知。臨時制宜。輕重難測。民是以能尊其貴。畏其威刑也。官有正法。民常畏威。貴是以能守其業。保祿位也。貴賤不愆。

所謂度也。文公是以作執秩之官。為被廬之法。僖二

年。文公蒐被廬。脩唐叔之法。以為盟主。今弃是度也。而為刑鼎。民在

鼎矣。何以尊貴。弃禮徵書。故不尊貴。弃禮徵書。民意全在於鼎。與叔向論刑書同意。貴何業之

守。民不奉上。則上失業。貴賤無序。何以為國。且夫宣子之刑。夷

之蒐也。晉國之亂制也。范宣子所用刑。乃夷蒐之法也。夷蒐在文六年。一蒐而三易中軍帥。賈季箕鄭

之徒。遂作亂。故曰亂制。若之何以為法。蔡史墨曰。范氏中行氏其

亡乎。蔡史墨即蔡墨。中行寅為下卿。而干上令。擅作刑器。以

為國法。是法姦也。又加范氏焉。易之亡也。范宣子刑書中既廢矣。今

復興之。是成其咎。○易之亡也。其及趙氏。趙孟與焉。然不得

已。若德可以免。鑄刑鼎本非趙鞅意。不得已而從之。若能脩德。可

經三十年春。王正月。公在乾侯。釋不朝。正于廟。○夏六月。庚

辰。晉侯去疾卒。未同盟而赴以名。○秋八月。葬晉頃公。三月而葬。速。

頃音○冬十有二月。吳滅徐。徐子章羽奔楚。徐子稱名。以名告也。

傳三十年春。王正月。公在乾侯。不先書鄆與乾侯。

非公。且徵過也。徵明也。二十七年。二十八年。公在鄆。二十九年。公在乾

侯。而經不釋朝正之禮者。所以非責公之妄。且明過謬

猶可掩。故不顯書其所在。使若在國。然自是鄆人潰叛。齊晉卑公。子家忠謀

終不能用。內外弃之。非復過誤所當掩塞。故每歲書公所在。○胡傳。公去社

稷於今五年。每歲首月不書公者。在魯四封之內。則無適而非其所也。至是鄆

潰。客寄乾侯。非其所矣。歲首必書公之所在者。蓋以存君。不與季氏之專國也。

而罪臣子譏諸侯之意具矣

○夏六月。晉頃公卒。秋八月。葬。鄭游吉弔。且送葬。

魏獻子使士景伯詰之曰。悼公之喪。子西弔。子蟜

送葬。在襄十五年。蟜居表反。今吾子無貳。何故。弔葬。共使。對曰。諸侯所以

歸晉君禮也。禮也者。小事大。大字小之謂。事大在

共其時命。隨時共所求。字小。在恤其所無。以敝邑居大國

之間。共其職貢。與其備御。不虞之患。豈忘共命。言不

共命。以所備御者多。不及辦之。先王之制。諸侯之喪。士弔。大夫送葬。唯

嘉好聘享三軍之事。於是乎使卿。晉之喪事。敝邑

之間先君有所助執紼矣紼輓索也禮送葬必執紼○間音開若其不聞

雖士大夫有所不獲數矣不得如先王禮數大國之惠亦慶

其加慶善也謂善其君自行而不討其乏明底其情底音旨取備

而已以為禮也○孔疏善其有加不討其乏明知鄭國致其情實取充備而已靈王之喪在襄二十九年

我先君簡公在楚我先大夫印段實往敝邑之少

卿也少年少也王吏不討恤所無也今大夫曰女盍從舊

舊有豐有省不知所從從其豐則寡君幼弱是

以不共從其省則吉在此矣唯大夫圖之晉人不

能詰傳言大叔之敏

○吳子使徐人執掩餘使鍾吾人執燭庸二十七二

公子奔楚楚子大封而定其徙大封與土田定其所徙之居使監馬

尹大心逆吳公子使居養二子奔楚楚使逆之於竟也養即所封之邑○今河南開封府陳州沈邱取於城父與

胡田以與之胡田故胡子之地將以害吳也子西諫曰吳光

新得國而親其民視民如子辛苦同之將用之也

若好吾邊疆使柔服焉猶懼其至柔服謂不與吳構怨吾又彊

其讎以重怒之無乃不可乎讎謂二公子吳周之胄裔也

而奔在海濱不與姬通今而始大比于諸華光又

昭公

甚文將自同於先王先王謂大王王季亦自西戎始比諸華不知天將以為

虐乎使翦喪吳國而封大異姓乎其抑亦將卒以

祚吳乎其終不遠矣言其事行可知不久我盍姑億吾鬼神億安也

而寧吾族姓以待其歸善惡之歸將焉用自播揚焉播揚猶勞動也

王弗聽吳子怒冬十二月吳子執鍾吾子遂伐徐

防山以水之防壅山水以灌徐已卯滅徐徐子章禹斷其髮

斷髮自刑示懼攜其夫人以逆吳子吳子唁而送之使

其邇臣從之遂奔楚邇近也楚沈尹戌帥師救徐弗及

遂城夷使徐子處之夷城父也吳子問於伍員曰初而言

伐楚在二十余知其可也而恐其使余往也又惡人之

有余之功也今余將自有之矣伐楚何如對曰楚

執政衆而乖莫適任患若為三師以肄焉肄猶勞也適音的

任音壬一師至彼必皆出彼出則歸彼歸則出楚必道

敝罷敝於道亟肄以罷之亟數也○亟欺冀反罷音皮多方以誤之既罷而

後以三軍繼之必大克之闔廬從之楚於是乎始

病為定四年吳入楚傳

經三十有一年春王正月公在乾侯○季孫意如

會晉荀躒于適歷適歷晉地○躒音歷適音的○夏四月丁巳薛伯

穀卒襄二十五年盟重邱○晉侯使荀躒唁公于乾侯將使意如迎公故荀躒來

唁○秋葬薛獻公無傳○冬黑肱以濫來奔黑肱邾大夫濫東海昌慮

縣不書邾史闕文○今昌慮故城在山東兗州府滕縣東南○十有二月辛亥朔日有食

之

傳三十一年春王正月公在乾侯言不能外內也

公內不容於臣子外不容於齊晉所以久在乾侯○王氏錫爵曰左氏不知春秋存君之義

○晉侯將以師納公范獻子曰若召季孫而不來

則信不臣矣然後伐之若何晉人召季孫獻子使

私焉曰子必來我受其無咎言我為子受無咎之任季孫意如會

晉荀躒于適歷荀躒曰寡君使躒謂吾子何故出

君有君不事周有常刑子其圖之季孫練冠麻衣

跣行示憂感○跣素典反伏而對曰事君臣之所不得也敢逃

刑命言願事君君不肯還不敢辟罪君若以臣為有罪請囚于費以待

君之察也亦唯君若以先臣之故不絕季氏而賜

之死雖賜以死不絕其後若弗殺弗亡君之惠也死且不朽若

得從君而歸則固臣之願也敢有異心君皆謂魯侯也蓋季孫探言罪

已輕重以夏四月季孫從知伯如乾侯知伯荀躒子家

子曰君與之歸一慙之不忍而終身慙乎公曰諾

衆曰。在一言矣。君必逐之。言晉既憂君。君一言使晉。晉必逐之。荀躒以晉

侯之命。唁公。且曰。寡君使躒以君命討於意。如意

如不敢逃死。君其入也。公曰。君惠顧先君之好。施

及亡人。將使歸糞。除宗祧。以事君。則不能見夫人。

已所能見夫人者。有如河。夫人謂季孫也。言若見季孫。已當受禍。明如河以自誓。○施以豉反。荀

躒掩耳而走。怪公所言。示不忍聽。曰。寡君其罪之恐。敢與知魯

國之難。言恐獲不納君之罪。今納而不入。何敢復知耶。○難去聲。臣請復於寡君。退而謂

季孫。君怒未息。子姑歸祭。歸攝君事。子家子曰。君以一乘

入于魯師。季孫必與君歸。公欲從之。衆從者脅公。

不得歸。傳言君弱。不得復自在。

○薛伯穀卒。同盟。故書。謂書名也。入春秋來。薛始書名。故發傳。經在荀躒。唁公。上傳在下者。欲魯事相次。

○秋。吳人侵楚。伐夷。侵潛。六。皆楚邑。○夷在今亳州。故潛城。六城在今壽州。俱屬江南鳳陽。

府。楚沈尹戌帥師救潛。吳師還。楚師遷潛於南岡。

而還。吳師圍弦。左司馬戍。右司馬稽。帥師救弦。及

豫章。左司馬。沈尹戌。吳師還。始用子胥之謀也。謀在前年。

○冬。邾黑肱以濫來奔。賤而書名。重地故也。黑肱非命卿。故

賤。君子曰。名之不可不慎也。如是。是黑肱也。夫有所有名。

而不如其已。有所謂有地也。言雖有名。不如無名。已止也。以地叛。雖賤。必書地。

以名其人終為不義弗可滅已。是故君子動則思禮。行則思義。不為利回。回正心也。為去聲下同。不為義疚。疚病也。見義則為之。

或求名而不得。或欲蓋而名。章懲不義也。齊豹為

衛司寇。守嗣大夫。守先人嗣。言其尊。作而不義。其書為盜。求名而不

得也。二十年。豹殺衛侯。兄欲求不畏彊禦之名。邾庶其。在襄二莒牟夷。在五年。邾黑肱。以

土地出。求食而已。不求其名。賤而必書。春秋叛者多唯取三人來適魯。

者。三人皆小國大夫。故曰賤。此二物者。所以懲肆而去貪也。物事也。肆。放也。○豹書盜。

懲肆也。三叛人名。去貪也。若艱難其身。身為艱難。以險危大人。大人在位者。而有名

章徹。謂得勇名。攻難之士。將奔走之。攻猶作也。奔走猶赴趣也。若竊邑叛君。

以徼大利而無名。謂不書其人名。貪冒之民。將寘力焉。盡力為之不顧。

於見書。是以春秋書齊豹曰盜。三叛人名。以懲不義。數

惡無禮。其善志也。無禮惡逆皆數而不忘記。事之善者也。○數所主反。故曰春秋之稱

○稱尺證反。微而顯。文微而義著。婉而辨。辭婉而旨別。○辭雖婉順相似而旨意有殊。上之人

能使昭明。上之人。謂在位者。在位者能行其法。非賤人所能。善人勸焉。淫人懼焉。是

以君子貴之。

○十二月辛亥朔。日有食之。是夜也。趙簡子夢童

子羸而轉以歌。轉宛轉也。羸力果反。旦占諸史墨。曰。吾夢如是。

今而日食。何也。簡子夢適與日食會。謂答在己故問之。對曰。六年及此月也。

吳其入郢乎終亦弗克

史墨知夢非日食之應故釋日食之咎而不釋其夢

入郢必以

庚辰

庚辰日有變日在辰尾故曰以庚辰定四年十一月庚辰吳入郢

日月在辰尾

辰尾龍尾也周十二月今之十

月日月合朔於辰尾而食

庚午之日日始有謫火勝金故弗克

謫變氣也庚午

十月十九日去辛亥朔四十一日雖食在辛亥更以始變為占也午南方楚之位也午火庚金也日以庚午有變故災在楚楚之仇敵唯吳故知入郢必吳火勝金者金為火妃食在辛亥亥水也水數六故六年也

經三十有二年春王正月公在乾侯取闕

無傳公別居乾侯遣人誘

闕而取之不用師徒闕口暫反

○夏吳伐越○秋七月○冬仲孫何

忌會晉韓不信齊高張宋仲幾衛世叔申鄭國參

曹人莒人薛人杞人小邾人城成周

世叔申世叔儀孫也國參子產之子不書

盟時公在外未及告公公已薨

○十有二月己未公薨于乾侯

十五

傳三十二年春王正月公在乾侯言不能外內又

不能用其人也

其人謂子家羈也言公不能用其人故於今猶在乾侯

○夏吳伐越始用師於越也

自此之前雖疆事小爭未嘗用大兵

史墨曰

不及四十年越其有吳乎

存亡之數不過三紀歲星三周三十六歲故曰不及四十年哀二十二年

越滅吳至此三十八歲

越得歲而吳伐之必受其凶

此年歲在星紀星紀吳越之分也歲星所

在其國有福吳先用兵故反受其殃○孔疏吳越同分而云越福吳凶者以吳先用兵故反受其殃也

○秋八月王使富辛與石張如晉請城成周

子朝之亂其餘

黨多在王城敬王畏之徙都成周成周狹小故請城之

天子曰天降禍于周俾我兄弟

竝有亂心。以為伯父憂。俾使也。兄弟謂子朝也。伯父謂晉侯。我一二親昵。

甥舅。不皇啓處。於今十年。謂二十三年。二師圍郊。至於今。○昵女乙反。勤戍五

年。謂二十八年。晉籍秦致諸侯之戍。至於今。余一人無日忘之。念諸侯勞。閔閔焉如農

夫之望。歲懼以待時。閔閔憂貌。王憂亂常。閔閔冀望安定。如農夫之憂饑。冀望來歲之將熟。伯父

若肆大惠。復二文之業。弛周室之憂。肆展放也。二文謂文侯。侯。文公重耳。弛猶

解也。○弛。式氏反。徼文武之福。以固盟主。宣昭令名。則余一

人有大願矣。昔成王合諸侯城成周。以為東都。崇

文德焉。作成周。遷殷民。以為京師。之東都。所以崇文王之德。今我欲徼福假靈于成王。

脩成周之城。俾成人無勤。諸侯用寧。螫賊遠屏。晉

之力也。螫賊喻災害。○螫亡侯反。其委諸伯父。使伯父實重圖之。俾

我一人無徵怨于百姓。徵名也。而伯父有榮施。先王庸

之。庸功也。先王之靈。以為大功。○施去聲。范獻子謂魏獻子曰。與其戍周。不

如城之。天子實云。云欲罷戍而城。雖有後事。晉勿與知可也。

從王命。以紓諸侯。晉國無憂。是之不務。而又焉從

事。紓音舒。魏獻子曰。善。使伯音對。伯音韓不信。曰。天子有命。敢

不奉承。以奔告於諸侯。遲速衰序。衰差也。序次也。○衰初危反。於是

焉在。在周所命。○言或緩或急之等差次序。無不惟周所命。冬十一月。晉魏舒韓不信

如京師。合諸侯之大夫于狄泉。尋盟。且令城成周。

尋平邱盟魏子南面居君位衛彪偃曰魏子必有大咎于位以

令大事非其任也彪偃衛大夫詩曰敬天之怒不敢戲

豫敬天之渝不敢馳驅詩大雅戒王者言當敬畏天之譴怒不可遊戲逸豫驅馳自恣渝變也况

敢干位以作大事乎己丑士彌牟營成周計丈數

計所當城之丈數也揣高卑度高曰揣揣初委反度厚薄度深曰仞仞而慎反物

土方議遠邇物相也相取土之方面遠近之宜量事期知事幾時畢計徒庸知用幾人功

慮材用知費幾材用書餼糧知用幾糧食以令役於諸侯屬役賦

丈付所當城尺丈屬之欲反屬役謂屬聚下役也今諸國各出若干役築若干丈書以授帥帥諸侯之大夫而效

諸劉子效致也韓簡子臨之以為成命臨履其事以命諸侯經所以不書魏舒

○十二月公疾徧賜大夫從公者大夫不受賜子家子

雙琥琥玉器刻玉為虎形一環一璧輕服細好之服受之大夫皆受其

賜己未公薨子家子反賜於府人曰吾不敢逆君

命也大夫皆反其賜書曰公薨于乾侯言失其所

也不薨路寢為失所趙簡子問於史墨曰季氏出其君而民

服焉諸侯與之君死於外而莫之或罪也對曰物

生有兩有三有五有陪貳故天有三辰謂有三辰地有五

行謂有五體有左右謂有兩各有妃耦謂陪貳妃音配王有公諸侯

有卿皆有貳也天生季氏以貳魯侯為日久矣民

之服焉。不亦宜乎。魯君世從其失。季氏世脩其勤。

民忘君矣。雖死於外。其誰矜之。社稷無常奉。奉之無常。人言

唯德也。○君臣無常位。自古以然。史墨跡古。今以實言故詩曰。高

岸為谷。深谷為陵。詩小雅言高。下有變易三后之姓。於今為庶。主

所知也。三后。虞夏商在易卦。雷乘乾曰大壯。三三。乾下震上。大壯。震在乾上。

故曰雷乘乾。天之道也。乾為天子。震為諸侯。而在乾上。君臣易位。猶臣大強壯。若天上有雷。昔成季友。桓

之季也。文姜之愛子也。始震而卜。卜人謁之曰。生

有嘉聞。嘉名聞於世。○聞音問其名曰友。為公室輔。及生。如卜人

之言。有文在其手。曰友。遂以名之。既而有大功於

魯公。立僖受費以為上卿。至於文子武子。文子。行父。武子。宿世增

其業。不廢舊績。魯文公薨。而東門遂殺適。立庶。魯

君於是乎失國。失國權政在季氏。於此君也。四公矣。民

不知君。何以得國。是以為君。慎器與名。不可以假

人。器。車服。名。爵號

春秋左傳杜注卷第二十六

春秋左傳杜注卷第二十七

華亭姚培謙學

定公

名宋襄公之子昭公之弟謚法安民大慮曰定

經元年春王

公之始年而不書正月公即位

三月晉人執宋仲幾

于京師

晉執人于天子之側而不以歸京師故但書其執不書所歸

○夏六月癸亥公

之喪至自乾侯

告於廟故書至

○戊辰公即位

定公不得以正月即位失其時故詳而日

之記事之宜無義例

○秋七月癸巳葬我君昭公

公在外薨故八月乃葬

○九

月大雩

無傳過也

○立煬宮

煬公伯禽子也其廟已毀季氏禱之而立其宮書以譏之

○冬

十月隕霜殺菽

無傳周十月今八月隕霜殺菽非常之災

傳元年春王正月辛巳晉魏舒合諸侯之大夫于

狄泉將以城成周魏子涖政涖臨也代天子大夫為政衛彪僂衛大夫曰

將建天子立天子之居而易位以令非義也前千位是干君之位此易位是易天子

乎是行也魏獻子屬役於韓簡子及原壽過簡子韓起孫不

信也原壽過周大夫奸音干屬音燭過平聲而田於大陸焚焉禹貢大陸在鉅鹿北嫌絕遠疑此田在汲郡吳

澤荒蕪之地火田并見燒也爾雅廣平曰陸○吳澤陂在今河南懷慶府脩武縣北還卒於甯甯今脩武縣近吳澤范獻

子去其柏棹以其未復命而田也范獻子代魏子為政去其柏棹示貶之孟

懿子會城成周不書公未即位庚寅裁裁設板築○裁才代反宋仲幾不受

功曰滕薛邠吾役也欲使三國代宋受功役也○邠五兮反小邾國薛宰曰宋為

無道絕我小國於周以我適楚故我常從宋晉文

公為踐土之盟在僖二十八年曰凡我同盟各復舊職若從

踐土若從宋亦唯命仲幾曰踐土固然固曰從舊薛舊為宋役薛

宰曰薛之皇祖奚仲居薛以為夏車正皇大也奚仲為夏禹掌車服大

夫奚仲遷于邳邳下邳縣仲虺居薛以為湯左相仲虺奚仲之後若

復舊職將承王官何故以役諸侯承奉也仲幾曰三代

各異物薛焉得有舊言居周世不得以夏殷為舊為宋役亦其職也

士彌牟曰晉之從政者新言范獻子新為政未習故事子姑受功歸

吾視諸故府求故仲幾曰縱子忘之山川鬼神其忘

諸乎山川鬼神士伯怒謂韓簡子曰薛徵於人典籍故

也宋徵於鬼取證於鬼神宋罪大矣且已無辭而抑我以

神誣我也啓寵納侮其此之謂矣開寵過分則納受侵侮必以仲

幾為戮乃執仲幾以歸三月歸諸京師知以歸不可故復歸之京師

城三旬而畢乃歸諸侯之戍齊高張後不從諸侯

後期不及諸侯之役晉女叔寬曰周萇弘齊高張皆將不免叔寬女

也萇叔違天高子違人天既厭周德萇弘欲遷都以延其祚故曰違天諸侯相帥以崇天子而高子後

期故曰違人○王氏應麟曰以萇弘為違天是人臣不當扶顛持危也天之所壞不可支也衆之

所為不可奸也為哀三年周人殺萇弘六年高張來奔起

○夏叔孫成子逆公之喪于乾侯成子叔孫媯之子季孫曰

子家子亟言於我未嘗不中吾志也吾欲與之從

政子必止之且聽命焉衆事皆諮問子家子子家子不見叔孫

易幾而哭幾哭會也不欲見叔孫故朝夕哭不同會○幾音祈叔孫請見子家子子家

子辭曰羈未得見而從君以出出時成子未為卿君不命而

薨羈不敢見言未受昭公之命託辭以距叔孫叔孫使告之曰公衍公

為實使羣臣不得事君二子始謀逐季氏○始謀不言公衍季欲俱廢昭公天子故并誣之若公

子宋主社稷則羣臣之願也宋昭公弟定公凡從君出而可

以入者將唯子是聽子家氏未有後季孫願與子
從政此皆季孫之願也使不敢以告不敢叔孫成子名對曰

若立君則有卿士大夫與守龜在羈弗敢知若從

君者則貌而出者入可也貌出謂以義從公與季氏無實怨寇而出者

行可也與季氏為寇離者自可去若羈也則君知其出也君昭公而未知

其入也羈將逃也喪及壞隕公子宋先入從公者

皆自壞隕反出奔六月癸亥公之喪至自乾侯戊辰

公即位諸侯薨五日而殯殯則嗣子即位癸亥昭公喪至五日殯於宮定公乃即位季孫使役如闕

公氏將溝焉闕魯羣公墓所在也季孫惡昭公欲溝絕其兆域不使與先君同○孔疏春秋言氏猶如言家故謂公之墓地為

公氏言是公死之家宅也公氏將溝焉猶言將溝公氏焉古人多倒語榮駕鸞曰生不能事死又

離之以自旌也駕鸞魯大夫榮成伯也旌章也○駕音加縱子忍之後必或恥

之乃止季孫問於榮駕鸞曰吾欲為君謚使子孫

知之為惡謚對曰生弗能事死又惡之以自信也將焉

用之乃止自信謂自實其不臣之迹也秋七月癸巳葬昭公於墓道

南孔子之為司寇也溝而合諸墓明臣無貶君之義○自昭公墓外為溝使與先

君墓合

○昭公出故季平子禱于煬公九月立煬宮平子逐君懼而

請禱於煬公昭公死於外自以為獲福故立其宮

○周鞏簡公弃其子弟而好用遠人簡公周卿士遠人異族也為明年鞏氏賊

簡公張本

經二年春王正月○夏五月壬辰雉門及兩觀災

無傳雉門公宮之南門兩觀關也天火曰災○觀去聲○秋楚人伐吳囊瓦稱人見誘以敗軍○冬十

月新作雉門及兩觀無傳

傳二年夏四月辛酉鞏氏之羣子弟賊簡公傳言弃親用疏

所以敗也

○桐叛楚桐小國廬江舒縣西南有桐鄉○今江南安慶府桐城縣北有古桐城即桐國也與廬江縣接吳子使

舒鳩氏誘楚人舒鳩楚屬國曰以師臨我教舒鳩誘楚使以師臨吳我伐桐

為我使之無忌吳伐桐也偽若畏楚師之臨己而為伐其叛國以取媚者也欲使楚不忌吳所謂多方以誤之○為去聲

秋楚囊瓦伐吳師于豫章從舒鳩言吳人見舟于豫章偽將為楚

伐桐○見音現而潛師于巢實欲以擊楚冬十月吳軍楚師于豫章

敗之楚不忌故遂圍巢克之獲楚公子繁繁守巢大夫

○邾莊公與夷射姑飲酒私出射姑邾大夫出辟酒○射音亦闔乞肉

焉奪之杖以敲之奪闔杖以敲闔頭也為明年邾子卒傳○敲口交反

經三年春王正月公如晉至河乃復無傳○二月辛

卯邾子穿卒再同盟○夏四月○秋葬邾莊公六月乃葬緩○

冬仲孫何忌及邾子盟于拔拔地闕

傳三年春二月辛卯邾子在門臺門上有臺臨廷闈以餅

水沃廷邾子望見之怒闈曰夷射姑旋焉旋小命執

之見其不潔執射姑弗得滋怒自投于牀廢于鑪炭爛遂卒

廢隋也。隋徒火反。先葬以車五乘殉五人欲藏中之潔故先內車及殉別為便房蓋其遺命莊

公卞急而好潔故及是卞躁疾也

○秋九月鮮虞人敗晉師于平中平中晉地獲晉觀虎恃

其勇也為五年士鞅圍鮮虞張本

○冬盟于邲邲即拔也脩邾好也公即位故脩好

○蔡昭侯為兩佩與兩裘佩佩玉也以如楚獻一佩一裘

於昭王昭王服之以享蔡侯蔡侯亦服其一子常

欲之弗與三年止之唐成公如楚有兩肅爽馬子

常欲之成公唐惠侯之後肅爽駿馬名。爽音霜弗與亦三年止之唐人或相

與謀請代先從者許之飲先從者酒醉之竊馬而

獻之子常子常歸唐侯自拘於司敗竊馬者自拘。從飲並去聲曰

君以弄馬之故隱君身隱憂約也弃國家羣臣請相夫人

以償馬必如之相助也。夫人謂養馬者唐侯曰寡人之過也二三

子無辱皆賞之蔡人聞之固請而獻佩于子常子

常朝見蔡侯之徒命有司曰蔡君之久也官不共

也言楚所以禮遣蔡侯之物不共備故明日禮不畢將死遣蔡侯之禮蔡侯歸及

漢執玉而沈曰余所有濟漢而南者有若大川自誓言若

復渡漢當受禍明如大川。沈音鳩。蔡侯如晉以其子元與其大夫之子

為質焉而請伐楚為明年會召陵張本

經四年春王二月癸巳陳侯吳卒無傳未同盟而赴以名蔡已正月七日書二月從赴

○三月公會劉子晉侯宋公蔡侯衛侯陳子鄭伯

許男曹伯莒子邾子頓子胡子滕子薛伯杞伯小

邾子齊國夏于召陵侵楚於召陵先行會禮入楚竟故書侵○夏四月

庚辰蔡公孫姓帥師滅沈以沈子嘉歸殺之姓音生又作

生○五月公及諸侯盟于臯鼬召陵會劉子諸侯總言之也繁昌縣東南有城臯亭復稱

公者會盟異處故。鼬由又反。城臯亭今在河南開封府臨潁縣界○杞伯成卒于會無傳。世子乞嗣是為隱

公七月其弟過弒隱公自立是為僖公○六月葬陳惠公無傳○許遷于容城

無傳○秋七月公至自會無傳○劉卷卒無傳即劉蚩也劉子奉命出盟召陵死則

天王為告同盟故不具爵。卷音權。趙氏匡曰畿內諸侯不同列國故不言劉子卷卒○葬杞悼公無傳○楚

人圍蔡不服故也○晉士鞅衛孔圉帥師伐鮮虞無傳孔圉孔羈孫士

鞅即范鞅○葬劉文公無傳○冬十有一月庚午蔡侯以吳

子及楚人戰于柏舉楚師敗績師能左右之曰以皆陳曰戰大崩曰敗績吳為蔡討楚從

蔡計謀故書蔡侯以吳子言能左右之也囊瓦稱人貪以致敗不能死難罪賤之柏舉楚地昭三十一年傳曰六年十二月庚辰吳其入郢今以十一月者

并數閭。○名勝志云麻城縣東三十里有柏子山。縣東南有舉水。柏舉之名蓋合柏山舉水而得之。今麻城縣屬湖廣黃州府。楚囊瓦

出奔鄭。書名。惡之。庚辰，吳入郢。弗地曰入。吳不稱。子史畧文。

傳四年春三月，劉文公合諸侯于召陵，謀伐楚也。

文公王官伯也。晉人假王命以討楚之久留蔡侯，故曰文公合諸侯。晉荀寅求貨於蔡侯，弗得，言

於范獻子曰：「國家方危，諸侯方貳，將以襲敵，不亦

難乎？」水潦方降，疾瘧方起，中山不服。中山，鮮虞。棄盟，取怨

無損於楚。晉楚同盟，伐之為取怨。而失中山，不如辭蔡侯，吾自方

城以來，楚未可以得志。晉敗楚，侵方城。在襄十六年。祇取勤焉，乃辭

蔡侯。晉人假羽旄於鄭，鄭人與之。析羽為旄，王者遊車之所建。鄭私有之，因謂之

羽旄，借觀之。明日，或旆以會。或，賤者也。繼旆曰旆，令賤人施其旆，執以從會。示卑鄭。○旆，帛續旆末為燕尾者。旆為旂

身旆謂旂尾。晉令賤人建此羽旆，施其旆旆於下，執之以從其會。晉於是乎失諸侯。傳言晉無禮，所以遂弱。將

會，衛子行敬子言于靈公。子行敬子，衛大夫。曰：「會同難，嘖

有煩言，莫之治也。」嘖，責也。煩言，忿爭。○嘖音責，爭言也。其使祝佗從。祝佗，犬

河反。公曰：「善。」乃使子魚。子魚辭曰：「臣展四體以率

舊職，猶懼不給，而煩刑書，若又共二共二職，徼大罪也。

且夫祝禘，稷之常隸也。隸，賤也。臣也。社稷不動，祝不出竟，官

之制也。社稷動，謂國遷。君以軍行，被社釁鼓。師出先有事，被禱於社，謂之宜社。於是殺牲以

血塗鼓，釁為釁鼓。祝奉以從。奉社主也。於是乎出竟，若嘉好之事。謂朝會。

君行師從二千五百人卿行旅從五百人臣無事焉公曰行也

及臯鼬將盟將長蔡於衛欲令蔡先衛歎衛侯使祝佗私於萇

弘曰聞諸道路不知信否若聞蔡將先衛信乎萇

弘曰信蔡叔康叔之兄也蔡叔周公兄康叔周公弟先衛不亦可乎

子魚曰以先王觀之則尚德也昔武王克商成王

定之選建明德以藩屏周故周公相王室以尹天

下尹正也於周為睦睦親厚也以盛德見親厚分魯公以大路大旂魯公伯禽也此

大路金路錫同姓諸侯車也交龍為旂周禮同姓以封分扶問反下並同夏后氏之璜璜美玉名周禮鄭注半璧曰璜封父之繁弱封父古諸侯也繁弱大弓名殷民六族條氏徐氏蕭

氏索氏長勺氏尾勺氏使帥其宗氏輯其分族將

其類醜醜衆也勺市灼反以法則周公用即命于周即就也使六族就周受周

是使之職事于魯共魯公之職事以昭周公之明德昭顯也分

之土田陪敦陪增也敦厚也祝宗卜史大祝宗人犬卜大史凡四官備物典策

官司彝器官司百官也彝器常用器因商奄之民商奄國名也與四國流言或迸散在魯皆

命以伯禽伯禽周公世子時周公唯遣伯禽之國故皆以付伯禽劉氏炫以為伯禽亦命書篇名而

封於少皞之虛少皞虛曲阜也在魯城內分康叔康叔衛之祖以大路少帛

績茂旃旌少帛雜帛也績茂大赤取染草名也通帛為旃析羽為旌○績七見反旃音吠○孔疏周禮司常云通帛為旌雜帛為物鄭云

通帛為大赤從周正色無飾雜帛者以帛素飾其側白殷之正色大赤是通帛知少帛是雜帛也積染赤之草旃即旆也旆是旂尾尾猶用赤則通身皆赤知

績棧是大赤也。蓋王以通帛雜帛並賜衛也。然則大赤即是旗於績棧之下。更言旗者，棧言旂尾，旂言旂身，圓其文耳。若其不然，旌是干之所建，旂皆有旌，少帛旂旆之後。何須更復言旌？
大呂 鍾名。殷民七族：陶氏、施氏、繁氏、錡氏、樊氏、饑氏、終葵氏。封畛土畧，自武父以南及圃田之北竟。

畛，塗所徑也。畧，界也。武父，衛北界。圃田，鄭藪名。繁，步何反。錡，魚綺反。畛，之忍反。徑，音經。
取於有閭之土，以共王職。有閭，衛所受朝宿邑，蓋近京畿。取於相土之東都。相土，商之先君。以會王之東蒐。為湯沐邑。王東巡，守以助祭泰山。聃季授土。

聃季，周公弟司空。聃，乃反。陶叔授民。陶叔，司徒。命以康誥而封於殷虛。康誥，周書。殷虛，朝歌也。皆啓以商政，疆以周索。皆魯衛也。啓，開也。居殷故地，因其風俗，開用其政，疆理土地，以周法索法也。分

唐叔唐叔晉之祖以大路密須之鼓，闕鞶密須，國名。闕鞶甲名。沽洗鐘名。洗，息典。

反懷姓九宗，職官五正。懷姓，唐之餘民。九宗，一姓為九族。職官五正，五官之長。孔疏：五官之長，謂五官之長子孫耳。曲禮云：天子之五官曰司徒、司馬、司空、司士、司寇。鄭云：此殷時制也。然則殷時五官居在唐地，世為貴族，以賜唐叔，使主領之，所以榮寵唐叔也。殷之五官不必皆在唐地，但有五官四官亦得總五言之。命以唐誥而封於夏虛。唐誥，誥也。夏虛，大夏今大原晉陽也。啓以夏政，疆以戎索。亦因夏風俗，大原近戎而寒，不與中國同故。

三者皆叔也，而有令德，故昭之以分物。不然，文

武成康之伯猶多，而不獲是分也。唯不尚年也。管

蔡啓商，其間王室。其毒也。周公攝政，管叔蔡叔開道紂子，祿父以毒亂王室。其音忌，間去聲。王於是

乎殺管叔，而蔡蔡叔。周公稱王，命以討二叔。蔡放也。蔡蔡，上素達反。下如字。以車七乘，徒七十人。與蔡叔車徒而放之。其子蔡仲，改行帥德。周公舉之。

以為已卿士為周公臣見諸王而命之以蔡命為蔡侯其命書云

王曰胡無若爾考之違王命也胡蔡仲名若之何其使蔡

先衛也武王之母弟八人周公為大宰康叔為司

寇聃季為司空五叔無官豈尚年哉五叔管叔鮮蔡叔度成叔武霍叔處

曹文之昭也文王子與周公異母晉武之穆也武王子曹為伯甸

非尚年也以伯爵居甸服言小今將尚之是反先王也晉文公

為踐土之盟衛成公不在夷叔其母弟也猶先蔡

踐土召陵二會經書蔡在衛上霸主以國大小之序也子魚所言盟歆之次其載書云王若曰晉重

文公重直龍反魯申僖公衛武叔蔡甲午莊侯鄭捷文公齊潘昭公

宋王臣成公莒期茲丕公也齊序鄭下周之宗盟異姓為後藏在周府可覆視也

吾子欲復文武之畧畧道也而不正其德將如之何甚

弘說告劉子與范獻子謀之乃長衛侯於盟反自

召陵鄭子大叔未至而卒晉趙簡子為之臨甚哀

曰黃父之會在昭二十五年為臨並去聲夫子語我九言曰無始亂

無怙富無恃寵無違同無敖禮無驕能以能驕人無復怒

復重也。復扶又反。無謀非德非所謀也無犯非義傳言簡子能用善言所以遂與

○沈人不會于召陵晉人使蔡伐之夏蔡滅沈秋

楚為沈故圍蔡伍員為吳行人以謀楚楚之殺郤

宛也在昭二十七年伯氏之族出郤宛伯州犁之孫詬為吳大

宰以謀楚楚自昭王即位無歲不有吳師蔡侯因

之以其子乾與其大夫之子為質於吳冬蔡侯吳

子唐侯伐楚唐侯不書兵屬於吳蔡。詬音鄙反舍舟于淮汭吳乘舟從淮來過蔡而舍之。舍音捨

自豫章與楚夾漢豫章漢東江北地名左司馬戌謂子常曰子

沿漢而與之上下沿緣也。緣漢上下。遮使勿渡我悉方城外以毀其

舟以方城外。人毀吳所舍舟還塞大隧直轅冥阨三者漢東之隘道。阨於解反。今屬河南汝寧府信陽州

子濟漢而伐之我自後擊之必大敗之既謀而行

武城黑謂子常黑楚武城大夫曰吳用木也我用革也用軍器不

可久也不如速戰史皇謂子常楚人惡子而好司

馬史皇楚大夫。司馬沈尹戌若司馬毀吳舟于淮塞城口而入城口三隘道之

總名是獨克吳也子必速戰不然不免乃濟漢而陳

自小別至于大別禹貢漢水至大別南入江然則此二別在江夏界。小別山今在湖廣漢陽府漢川縣北。大別

山在漢陽府漢陽縣東北三戰子常知不可欲奔知吳不可勝史皇曰安求

其事求知政事難而逃之將何所入子必死之初罪必盡

說言致死以克吳可以免貪賄致寇之罪十一月庚午二師陳于柏舉經所以書戰二

師吳楚師闔廬之弟夫槩王晨請於闔廬曰楚瓦不仁瓦子常名

其臣莫有死志先伐之其卒必奔而後大師繼之

必克弗許。夫槩王曰：所謂臣義而行，不待命者，其此之謂也。今日我死，楚可入也。以其屬五千先擊

子常之卒。子常之卒奔，楚師亂，吳師大敗之。子常

奔鄭。史皇以其乘廣死。以戰死。乘廣並去聲。吳從楚師，及清發

清發水名。水經注：潁水南逕石巖山北，亦謂之清水。即清發也。今石巖山在湖廣德安府安陸縣城西八十里。將擊之。夫槩王

曰：困獸猶鬪，况人乎？若知不免而致死，必敗我。若

使先濟者知免，後者慕之，蔑有鬪心矣。半濟而後

可擊也。從之，又敗之。楚人為食，吳人及之，奔食而

從之，敗諸雍澁。五戰及郢。奔食，食者走不陳，故不在戰數。今湖廣安陸府京山縣西南有三澁水。

春秋之雍澁，其一也。五戰，謂濟、漢而陳，自小別至于大別，三戰也。柏舉也。清發也。己卯，楚子取其妹季芊

畀我以出，涉睢。睢水出新城，昌魏縣東南至枝江縣入江，是楚王西走。芊，面爾反。畀我，季芊之字。睢，七餘反。今安陸

府當陽縣北一里有沮水。鍼尹固與王同舟，王使執燧象以

奔吳師。燒火燧繫象尾，使赴吳師，驚却之。鍼之林反。庚辰，吳入郢，以班處宮。以尊卑班

次處楚王宮室。子山處令尹之宮。子山，吳王子。夫槩王欲攻之，懼而

去之。夫槩王入之。入，令尹宮也。言吳無禮，所以不能遂克。左司馬戍及息而

還。息，汝南新息也。聞楚敗，故還。敗吳師于雍澁，傷司馬先敗吳師，而身被創。初，司馬臣

闔廬故恥為禽焉。司馬嘗在吳，為闔廬臣，是以今恥於見禽。謂其臣曰：誰能免

吾首？吳句卑曰：臣賤可乎？司馬曰：我實失子，可哉。

失不知子賢
○句古侯反

三戰皆傷曰吾不可用也已。句卑布裳。到

而裹之。

司馬已死
劉取其首

藏其身。而以其首免。

傳言司馬
之忠壯

楚子涉

睢。濟江。入于雲中。

入雲夢澤中所
謂江南之夢

王寢盜攻之。以戈擊

王。王孫由于以背受之中肩。王奔鄖。鍾建負季芊

以從。

鍾建楚
大夫

由于徐蘇而從。

以背受戈故
當時悶絕

鄭公辛之弟懷

將弒王曰。平王殺吾父。我殺其子。不亦可乎。

辛蔓成
然之子

鬪辛也。昭十四年。
楚平王殺成然。

辛曰。君討臣。誰敢讐之。君命天也。若死

天命。將誰讐。詩曰。柔亦不茹。剛亦不吐。不侮矜寡。

不畏彊禦。唯仁者能之。

詩大雅言仲山甫不辟
彊陵弱。矜古頑反。

違彊陵弱。

非勇也。乘人之約。非仁也。滅宗廢祀。非孝也。

弒君罪
應滅宗

動無令名。非知也。必犯是。余將殺女。鬪辛與其弟

巢。以王奔隨。吳人從之。謂隨人曰。周之子孫。在漢

川者。楚實盡之。天誘其衷。致罰於楚。而君又竄之。

竄匿

也。周室何罪。君若顧報周室。施及寡人。以獎天衷。

獎成也。
施音異

君之惠也。漢陽之田。君實有之。楚子在公

宮之北。

隨公
宮也

吳人在其南。子期似王。

子期昭王兄
公子結也

逃王。而

已為王曰。以我與之。王必免。隨人卜與之。不吉。乃

辭。吳曰。以隨之辟小。而密邇於楚。楚實存之。世有

盟誓至于今未改若難而弃之何以事君執事之

患不唯一人楚王若鳩楚竟敢不聽命吳人乃退鳩安集也

鑪金初宦於子期氏實與隨人要言要言無以楚王與吳并欲脫子期鑪本

又作鑪音慮王使見王喜其意欲引見之以比王臣且欲使盟隨人辭曰不敢以約為利

此約謂要言也此一時之事非為德舉故辭不敢見亦不肯為盟主言不敢乘君父困約之時以為利王割子期之

心以與隨人盟當心前割取血以盟示其至心初伍員與申包胥友包胥楚大夫

夫包必交反其亡也謂申包胥曰我必復楚國復報也申包胥

曰勉之子能復之我必能興之及昭王在隨申包

胥如秦乞師曰吳為封豕長蛇以荐食上國荐數也言吳貪害如

豕蛇虐始於楚寡君失守社稷越在草莽使下臣告

急曰夷德無厭若鄰於君疆場之患也吳有楚則與秦鄰厭平聲場

音亦逮吳之未定君其取分焉與吳共分楚地取分扶問反若楚之遂

亡君之土也若以君靈撫之世以事君撫存恤也秦伯使

辭焉曰寡人聞命矣子姑就館將圖而告對曰寡

君越在草莽未獲所伏伏猶處也下臣何敢即安立依於

庭牆而哭日夜不絕聲勺飲不入口七日秦哀公

為之賦無衣詩秦風取其王于興師脩我戈矛與子偕行九頓首而坐無衣三章

章三頓首秦師乃出為明年包胥以秦師至張本

經五年春王三月辛亥朔日有食之無傳○夏歸粟

于蔡蔡為楚所圍饑之故魯歸之粟○於越入吳於發聲也○六月丙申季孫

意如卒○秋七月壬子叔孫不敢卒無傳○冬晉士

鞅帥師圍鮮虞

傳五年春王人殺子朝于楚因楚亂也終閉馬父之言

○夏歸粟于蔡以周亟矜無資亟急也

○越入吳吳在楚也

○六月季平子行東野東野季氏邑○行下孟反下桓子行同還未至丙申

卒于房○東野及房蓋皆近費之地陽虎將以璵璠斂璵璠美玉君所佩○璵璠音餘煩仲

梁懷弗與懷亦季氏家臣曰改步改玉昭公之出季孫行君事佩璵璠祭宗廟今定公立復臣位改君

步則亦當去璵璠○孔疏玉藻云君與尸行接武大夫繼武士中武鄭云尊者尚徐接武踏半跡繼武迹相及中武迹間容迹是步不同也又云公侯佩山玄玉大夫佩水蒼玉是玉不同也陽虎欲逐之告公山不狃不狃曰彼

為君也子何怨焉不狃季氏臣費宰子洩也為君不欲使僭○為去聲既葬桓子行東

野桓子意如子季孫斯及費子洩為費宰逆勞於郊桓子敬之

勞仲梁懷弗敬懷時從桓子行輕慢子洩子洩怒謂陽虎子行之乎

行逐懷也為下陽虎囚桓子起

○申包胥以秦師至秦子蒲子虎帥車五百乘以

救楚五百乘三萬七千五百人子蒲曰吾未知吳道道猶法術使楚人先與

吳人戰而自稷會之。大敗夫槩王于沂。稷沂皆楚地。○

陽府桐柏縣境吳人獲遠射於柏舉。遠射楚大夫其子帥奔徒。奔徒楚散卒

以從子西。敗吳師於軍祥。楚地。○當在湖廣德安府隨州西南秋七月。子

期子蒲滅唐。從吳伐楚故九月。夫槩王歸。自立也。以與王

戰而敗。自立為吳王。號夫槩奔楚。為堂谿氏。傳終言之吳師敗楚師于

雍澨。秦師又敗吳師。吳師居麇。麇地名。○麇九倫反。○今湖廣岳州府巴陵縣東有麇城

子期將焚之。子西曰。父兄親暴骨焉。不能收。又焚

之。不可。前年楚人與吳戰多死。麇中言不可并焚子期曰。國亡矣。死者若有知

也。可以歆舊祀。言焚吳復楚。則祭祀不廢豈憚焚之。焚之而又戰。吳

師敗。又戰于公婿之谿。楚地名吳師大敗。吳子乃歸。囚

闔與罷。闔與罷請先。遂逃歸。與罷楚大夫請先至吳而逃歸。言吳唯得楚一大夫復失之所

以不克。○闔音因。罷音皮葉公諸梁之弟后臧。從其母於吳。不待而

歸。諸梁司馬沈尹戌之子。葉公子高也。吳入楚。獲后臧之母。楚定臧。弃母而歸葉公終不正視。不義之

○乙亥。陽虎囚季桓子。及公父文伯。文伯。季桓子從父昆弟也。陽虎欲為亂。恐

二子不從。故囚之而逐仲梁懷。冬十月丁亥。殺公何藐。藐。季氏族已

丑。盟桓子于稷門之內。魯南城門庚寅。大誛。逐公父歆。及

秦遄。皆奔齊。歆。即文伯也。秦遄。平子姑壻也。傳言季氏之亂。○歆。昌欲反

○楚子入于郢。吳師已歸初。鬪辛聞吳人之爭宮也。曰。吾

聞之不讓則不和。不和不可以遠征。吳爭於楚，必有亂。有亂則必歸。焉能定楚王之奔隨也。將涉於

成。曰江夏竟陵縣有白水出。聊屈山西南入漢。今湖廣漢陽府漢川縣有白水亦名白子河。西南與漢水合。藍尹疊涉

其帑疊楚大夫不與王舟。及寧王欲殺之寧安定也。子西曰：子常

唯思舊怨以敗君，何效焉。王曰：善。使復其所。吾以

志前惡惡過也。王賞鬬辛。王孫由于。王孫圉鍾建鬬巢

申包胥。王孫賈宋木鬬懷九子皆從王有大功者。子西曰：請舍懷

也以初謀弒王也。王曰：大德滅小怨，道也終從其兄免王大難是大德。申包胥

曰：吾為君也，非為身也。君既定矣，又何求。且吾尤

子旗，其又為諸子旗蔓成然也。以有德於平王求欲無厭。平王殺之。在昭十四年。遂逃賞。王將

嫁季芊。季芊辭曰：所以為女子，遠丈夫也。鍾建負

我矣，以妻鍾建，以為樂尹司樂大夫。遠去聲。王之在隨也，子

西為王輿服，以保路。國于脾洩脾洩楚邑也。失王恐國人潰散，故偽為王車服，立國脾洩。

以保安道路人。脾洩近郢都。當在今湖廣荊州府境。聞王所在，而後從王。王使由于

城麋於麋築城，復命。子西問高厚焉。弗知。子西曰：不能如

辭言自知不能當辭，勿行。敢為不敢，如為不如。古人之語然也。城不知高厚，小大何知。對

曰：固辭不能。子使余也。人各有能有不能。王遇盜

於雲中，余受其戈，其所猶在。袒而示之背，曰：此余

所能也。脾洩之事，余亦弗能也。

傳言昭王所以復國有賢臣也

○晉士鞅圍鮮虞，報觀虎之役也。

三年鮮虞獲晉觀虎

經六年春，王正月癸亥，鄭游速帥師滅許，以許男

斯歸。

游速，犬叔子。斯，執元公成立。

○二月，公侵鄭，公至自侵鄭。

夏季，孫斯、仲孫何忌如晉。○秋，晉人執宋行人樂

祁犁。

稱行人言非其罪

○冬，城中城。

無傳，公為晉侵鄭，故懼而城之。

○季孫斯、仲

孫忌帥師圍鄆。

無傳，何忌不言何闕文，鄆貳於齊，故圍之。

傳六年春，鄭滅許，因楚敗也。

○二月，公侵鄭，取匡，為晉討鄭之伐胥靡也。

胥靡，周地也。周

詹翩因鄭人以作亂，鄭為之伐胥靡，故晉使魯討之。匡，鄭地，取匡不書，歸之晉。詹，丁甘反。

往不假道於衛，及

還，陽虎使季孟自南門入，出自東門。

陽虎將逐三桓，欲使得罪於鄰國。

舍

於豚澤，衛侯怒，使彌子瑕追之。

彌子瑕，衛嬖大夫。

公叔文子

老矣。

文子，公叔發。

輦而如公，曰：「尤人而效之，非禮也。昭公

之難，君將以文之舒鼎。

衛文公之鼎。

成之昭兆。

寶龜。定之鞶

鑑。

鞶，帶而以鏡為飾也。今西方羌胡猶然，古之遺服。

苟可以納之，擇用一焉。公子與

二三臣之子，諸侯苟憂之，將以為之質。

為質，求納魯昭公也。

此

羣臣之所聞也。今將以小忿蒙舊德。

蒙，覆也。

無乃不可

乎？犬姒之子。

犬姒，文王妃。

唯周公康叔為相睦也，而效小

人以弃之。不亦誣乎。天將多陽虎之罪以斃之。君姑待之。若何。乃止。止不伐魯師

○夏季桓子如晉。獻鄭俘也。獻此春取陽虎強使孟

懿子往報夫人之幣。虎欲困辱三桓并求媚於晉故強使正卿報晉夫人之聘晉人兼享

之。賤魯故不復兩設禮明經所以不備書孟孫立于房外。謂范獻子曰。陽虎

若不能居魯。而息肩於晉。所不以為中軍司馬者。

有如先君。稱先君以徵其言若欲使晉必厚待之獻子曰。寡君有官。將使其

人。擇得其人鞅何知焉。獻子謂簡子曰。魯人患陽虎矣。孟

孫知其釁。以為必適晉。故強為之請。以取入焉。欲令晉人

聞虎當逃走故強設請託之辭因此言以入晉今晉素知之

○四月己丑。吳太子終纍敗楚舟師。終纍闔廬子夫差兄舟師水戰。纍力追

反。獲潘子臣。小惟子。二子楚舟師之帥惟本又作惟及大夫七人。楚國

大惕懼亡。子期又以陵師敗于繁揚。陵師陸軍令尹子西

喜曰。乃今可為矣。言知懼而後可治於是乎遷郢於都。改都為郢

而改紀其政。以定楚國。傳言楚賴子西以安

○周儋翩率王子朝之徒。因鄭人將作亂于周。儋翩

子朝之。鄭於是乎伐馮。滑。胥靡。負黍。狐人。闕外。鄭伐周六邑在

魯伐鄭取匡前。於此見者為成周起也。陽城縣西南有負黍亭。今河南河南府登封縣有負黍聚。後漢志。潁陰縣有狐宗鄉。古狐人亭也。在今河南開封

府許州臨潁縣關外即伊闕外之邑也。在今河南府洛陽縣南關塞山下。六月。晉閻沒戍周。且城胥

靡。為下天王出居姑蘓起

○秋八月。宋樂祁言於景公曰。諸侯唯我事晉。今

使不往。晉其憾矣。樂祁告其宰陳寅。以與公言告之陳寅曰。

必使子往。他日。公謂樂祁曰。唯寡人說子之言。子

必往。陳寅曰。子立後而行。吾室亦不亡。寅知晉政多門往必有難故使

樂祁立後而行唯君亦以我為知難而行也。見溷而行。溷樂祁子也見

於君立以為後趙簡子逆而飲之酒於縣上。獻楊楯六十於

簡子。楊木名。楯食允反陳寅曰。昔吾主范氏。今子主趙氏。又

有納焉。以楊楯賈禍。弗可為也已。知范氏必怨將得禍然子死

晉國。子孫必得志於宋。以其為國死范獻子言於晉侯曰。

以君命越疆而使。未致使而私飲酒。不敬二君。不

可不討也。乃執樂祁。獻子怒祁比趙氏。經所以稱行人

○陽虎又盟公及三桓於周社。盟國人于亳社。詛

于五父之衢。傳言三桓微陪臣專政。為八年陽虎作亂起

○冬十二月。天王處于姑蘓。姑蘓周地辟僖翩之亂也。為明

年單劉逆王起

經七年春。王正月。○夏四月。○秋。齊侯。鄭伯。盟于

鹹衛地。陳氏傅良曰。特相盟。自齊桓以來。未之有也。於是再見諸侯無主盟矣。是故石門志諸侯之合于鹹。志諸侯之散。○齊人

執衛行人北宮結以侵衛稱行人。非使人之罪。齊侯衛侯盟于

沙結叛晉也。陽平元城縣東南有沙亭。在今直隸大名府元城縣東。○大雩無傳。過也。○齊國復帥

師伐我西部夏國。佐孫。○九月大雩無傳。過也。○冬十月

傳七年春二月周僖翩入于儀栗以叛儀栗。周邑。

○齊人歸鄆陽關陽虎居之以為政鄆陽關皆魯邑中。貳於齊。齊今歸之。

不書虎。專之。

○夏四月單武公穆公。子。劉桓公文公。子。敗尹氏于窮谷尹氏。復黨。

僖翩共為亂也。

○秋齊侯鄭伯盟于鹹徵名。衛侯欲叛晉

屬齊。鄭也。諸大夫不可使北宮結如齊而私於齊侯曰

執結以侵我欲以齊師懼諸大夫。齊侯從之乃盟于瑣瑣即沙也。為明年涉。

佗援衛侯手起。

○齊國復伐我齊叛。晉故。陽虎御季桓子公斂處父御孟

懿子處父孟氏家臣成宰。公斂陽。斂力檢反。將宵軍齊師齊師聞之墮伏而

待之墮毀其軍以誘敵而設伏兵。墮許規反。處父曰虎不圖禍而必死而女。苦

夷曰虎陷二子於難苦夷季氏家臣二子。季孟。苦始占反。不待有司余必

殺女虎懼乃還不敗傳言陪臣強能自相制。季孟不敢有心。

律